



UNIVERSITÄTS-  
BIBLIOTHEK  
PADERBORN

**Poesis Sacra Sive Vitae, Mortis, Et Resurrectionis  
Salvatoris Nostri Jesu Christi Historia**

**Hermanni, Joachim Heinrich von**

**Hildesii, 1743**

**VD18 10904743**

Poeseos Sacrae Pars Quarta

---

[urn:nbn:de:hbz:466:1-68828](https://nbn-resolving.org/urn:nbn:de:hbz:466:1-68828)

## POESEOS SACRÆ

PARS QUARTA,  
IN QUA POEMATE ASCETICO  
REPRÆSENTATUR.

- |   |  |
|---|--|
| 1 <sup>mo</sup> . Captura Christi in horto<br>Gethsemani.                   | 6 <sup>to</sup> . Laboriosa crucis bajulatio.  |
| 2 <sup>do</sup> . Ejus Hierosolymam ad sum-<br>mos Pontifices, itèm         | 7 <sup>mo</sup> . Christi amarissima crucifixio.   |
| 3 <sup>io</sup> . Ad Pilarum & Herodem ab-<br>ductio                        | 8 <sup>vo</sup> . Contra eum in cruce penden-<br>tem à Judæis eructata blasphematio.                         |
| 4 <sup>to</sup> . Ejusdem ab Herode ad Pila-<br>rum ignominiosa remissio.   | 9 <sup>no</sup> . Ejusdem beatissima mors,<br>& exspiratio.  |
| 5 <sup>to</sup> . Christi crudelis flagellatio,<br>& ad mortem condemnatio. | 10 <sup>mo</sup> . Christi ex cruce circa ve-<br>esperum facta depositio, & in sepulchrum gloriosum illatio. |

POESEOS SACRÆ ET PARTIS QUARTÆ  
INDUCTIO PRIMA.

S. PAULUS AD HEBRÆOS CAP. 12.

Per patientiam curramus ad propositum nobis certamen, aspicientes in authorem fidei, & consummatorem Jesum qui proposito sibi gaudio sustinuit crucem, confusione contempta

S. MATTHÆUS. CAP. 26.

Ecce Judas unus de duodecim venit, & cum eo turba multa, cum gladiis & fustibus, missi à Principibus Sacerdotum, & Senioribus populi. Qui autem tradidit eum, dedit illis signum, dicens: Quemcunque osculatus fuero, ipse est; tenete eum &c.

SYNOPSIS.

Dominus & Salvator noster Jesus Christus in horto Gethsemani prope montem olivarum, à proditore Judâ Iscariote osculo, in proditiõis tesseram ab eo Judeis assignatam, malitiosissimè traditur; & funibus ac catenis vinctus, nocturno tempore, ad evitandum populi tumultum, Hierosolymam ad Pontifices & Synagogam deducitur.

N 3

Est

**E**st tua, mi Jesu, tristissima passio magnum  
 Divinæ pietatis opus, quod debile Mundus  
 Non capit ingenium: solis hoc scire dedisti,  
 Qui sub mole crucis te puro corde sequuntur,  
 Vos igitur compello; meum nolite gravari  
 Mactè sequi Dominum: comites vos ille requirit  
 Trans Cedronis aquas, ubi mons umbrosus olivis  
 Surgit, tristitiæ spectacula prima daturus.  
 Ecce venit speciosus amor! sanctæque relictis  
 Mœnibus urbis, adest; mandato Patris obedit  
 Ecce! venit mœrore gravis, tacitusque revolvit  
 Eventura sibi. Post longa silentia tristes  
 Discipulos affatus, ait: Vos nocte sequenti  
 Omnes turbati, profugi, mera scandala passuri  
 Ibitis in diversa; velut Pastore perempto  
 Disperguntur oves pavidae: sed amabo! docentibus  
 Credite; post modicum devictâ morte resurgam  
 Inque Galilææ regionem prævious ibo:  
 Invenietis ibi, quem crastinus auferet atro  
 Funere defunctum, redivivo corpore clarum  
 Hic tristis sermo tetigit præcordia Petri,  
 Ac animi motus in talia verba resolvit:  
 Quamvis aufugiant omnes, omnesque recusent  
 Esse tui, te solus ego, te solus & unus  
 Intrepidâ pietate sequar! sed Christus amantem  
 Respondet: Simon, Simon, hâc nocte, priusquam  
 Nuntius auroræ dederit duo signa, Magistrum  
 Non semel aut iterum, sed ter, novisse negabis.  
 Magna superveniet vobis tentatio, magnus  
 Infolitusque pavor; nimium præsumere nolite  
 Hæc capit aure Simon ex Christi pendulus ore  
 Accensusque piis facibus, promptissimus inquit  
 Sim licet ad mortem tecum rapiendus amantem  
 Fige

Matt.  
 26.31.

Figendusque cruci, nunquam Te, Christe, negabo.

At stipulantur ei reliqui, promittere certam

Robustamque fidem vanis successibus ausi.

His sub colloquiis, veniunt ad limina villæ

Gethsemani; reliquis illic subsistere iussis,

Petrum cum natis Zebedæi tristis Iesus

Matt.

26.36.

Assumpsit, precibusque vacans intravit in hortum.

Hic erat in sacri positus radicibus imis

Montis olivarum; tristis locus, atra doloris

Mansio, curarumque domus, quam Christus amoris

Victima, terribili certans cum morte, rigavit

Sanguineo sudore (sacro date basia fundo!

Qui de tam rigido certamine lucra tulistis)

Sed vix ingressus trepidat, pavet, ardet, & alget

Anxius; ex imo centum suspiria corde

Ducit, & ad Cælum, sed inexorabile, transfert.

Vos, ait intuitus comites, scitote, quod usque

Ad mortem tristis, magnis mœroribus urar.

Matt.

26.38.

Hic trahitote moras, dum paulò longius ipse

Vado precaturus Patrem; conjungite vestras

Cum precibus votisque meis. Quibus ergò relictis

In gemitus abit & lacrymas; ut roscida nubes

In graciles ventis agitata resolvitur undas.

O Pater! ad cuius volvuntur fidera nutum,

Machina consistit Mundi, trepidatque cohorrens

Ignibus Infernale chaos: sunt omnia sanctis

In manibus contenta tuis; Te Filius orat;

Tantum jubeas calicem transire dolorum:

Non tamen, alme Pater! mea, sed tua sola volun-

Fiat; habes siquidem de me disponere nato. (tas

Finitis precibus surgebat; cumque, videret,

Discipulos mœrore premi, somnóque gravari,

Excitat alloquio tristes, dicitque Simoni:

N 4

Non

Non potes, o Simon! mecum vigilare per horas  
 Et servire Deo? quæso, vigilate supernis  
 Intenti, ne vos gravior tentatio vincat:  
 Vestra quidem mihi nota fides, mihi nota voluntas  
 Sed caro spiritui nimis oblectata resistit. (ta  
 Post hæc emisso gemitu, fletuque novato,  
 Ad pia lustra redit; Patrem, velut antè, precatur  
 A precibus verò rursus confurgit, abitque  
 Invisum comites; sed eis nox sera, stuporque  
 Tristitiæ, somno sua lumina merferat alto.  
 Excitat hos iterum; monitis hortatur iisdem  
 In tristémque locum rediens, ubi sederat antè  
 Ut tollat mortis calicem, vel ferrea Cœli  
 Expediat decreta, Patrem prolixius orat.  
 Hac in tristitia vehemens meditatio Iesum  
 Abripit ecstático visu; graviterque fatigat  
 Proditio Iudæ, turpis desertio fratrum,  
 Lictores, funes, captura, negatio Petri,  
 Perversi testes, alapæ, ludibria plebis,  
 Livor Scribarum, mortis sententia, sputum,  
 Flagra, corona, cruces, clavi, crucifixio, clamor  
 Blasphemus populi, sitis arida, potus aceti,  
 Militis hasta ferox, & tota tragœdia mortis.  
 Hæc coràm depicta videns Salvator, atroci  
 Frangitur aspectu; sicut tremefactus ab Austro  
 Concutitur palmes: refugo cor sanguine pressum  
 Siftitur, & lento languent præcordia motu.  
 Sed sævum gratis suscepta redemptio Mundi  
 Mitigat horrorem; gelidas amor igneus intrat  
 In fibras, reparatque novo luctamine nervos.  
 Hinc cruor ergò poris erumpens omnibus, instat  
 Irriguæ decurrit aquæ, loturus abundè  
 Humani generis noxas: angustia felix!

Luc.

22.44

Felix

Felix mortis agon, per quem prostratus ab angue  
 Surrexit redivivus Adam, serique nepotes.  
 Deficiunt Jesu vires, dum labitur imber  
 Purpureus, vultuque cadit; ceu falce resecti  
 Hortorum flores, vel frons percussa bipenni.  
 Hac sub agonali luctâ, delapsus ab alto  
 Unus de Seraphim, specioso lumine Cœli  
 Circumfusus, humo Jesum levat, artubus affert  
 Robur, & Æthereâ reddit virtute salutem :  
 Quâ confortatus Mundi Salvator, adibat  
 Discipulos dicturus eis, venisse cruentum  
 Tempus, quo caderet peccati victima. Magni  
 Fertilis hora boni! si contrâ; in temporis albo  
 Perdere digna locum. Vix hæc patefecerat, addit:  
 Ecce venit, qui me Judæis tradet! eamus;  
 Surgite Discipuli! sceleratis obvius ibo;  
 Nondum vox tenues erat hæc dispersa per auras  
 Iccariota vafer, maledictus proditor, Orci  
 Filius accedit; numerofo milite cinctus,  
 Hunc ex Scribarum famulis collegerat, hastis,  
 Fustibus, & gladiis armatum; qualis in acrem,  
 Ordinibus certis, deducitur hostis arenam.  
 Perfidus in primâ consistens fronte cohortis,  
 Dicit: *Ave Rabbi!* Dominoque dat oscula Iudas;  
 Præmonitâ turmâ: Quemcunque deosculor, illi  
 Injicitote manus; constrictum funibus arctè,  
 Ducite solliciti; profugus nè fortè recedat.  
 Salvator reprobum Iudam compellat: Amice!  
 Ad quid venisti? quem tanto milite quæris?  
 O Iuda! Iuda! me falsa per oscula tradis?  
 Cominus occurrens turmæ, quem quæritis? inquit,  
 Omnia prænoscens: Iesum de Nazareth, illi  
 Attoniti clamant: Ego sum, respondet Iesus.

Luc.  
22.43.

Matt.  
26.46.

Joan.  
18. 5.

N 5

Ter.

Territus hoc dicto Iudas & turba virorum  
 In terram cecidère retrò, ceu fulmine tacti:  
 At sensu redeunte, viros interrogat ultrò:  
 Quem vultis? Iesum, dicunt; respondet, ut ante  
 Jam dixi vobis, ego sum; dimittite paucos,  
 Quos mihi junxit amor. Post hæc velut impete facta  
 In Iesum fera turba ruit; qui mitior agno (Cito  
 Excipit insultum: sed Petrus acerbior ensem  
 Stringit, & auriculam celeri demessuit ictu  
 Pontificis seruo, majora patrare paratus,  
 Nî motus animi Iesus prohibendo stitisset.  
 Vulnere sanato, Dominus clementior inquit:  
 Qui ferro jugulat, ferro jugulandus obibit:  
 In vanum sunt ista Simon; mandata suprema  
 Patris adimplebo; calicem, quem tradidit ille,  
 Morigerâ pietate bibam pro Patris honore.  
 Nonne putas, me posse Patrem rogitare, statimque  
 Millia spirituum plusquam duodena deorsum  
 Mittet? at obsistunt Vatum præfagia, Mundo  
 Danda salus; jubet hæc Patris firmata voluntas,  
Matt. Ad turbam conversus ait: Latronis adinstar  
26,55. A vobis teneor; gladiis & atrocibus armis  
 Instructi raptatis eum, qui traditus esse  
 Jam dudum voluit (tenerum capientibus agnum  
 Non opus esse putat, tantos laxâsse leones)  
 In cathedra docuit, dixit dicenda per urbes;  
 In Templo, vicis, domibus, sacra concio plebi  
 Est audita palàm; cur non est captus in urbe  
 Aspiciente foro? sed prò dolor! ista, tremendis  
 Plena malis, venit vestris accommoda factis  
 Hora, tenebrarum non duratura potestas.  
 Tota cohors igitur, mandatum dante Tribuno  
 In Iesum furiosa, manus & vincula mittit:

Non

Non secus esuriens, dum quærit in aëre prædam,  
 Accipiter teneras avido rapit ore columbas,  
 Pars tenet una, ligat pars altera, tertia diras  
 Evomit ore minas, blasphematur quarta, severis  
 Quinta ferit pugnis; agmen fremit omne tumultu.  
 Discipuli, dum tanta vident spectacula, mœsti  
 Despondent animum; gelidus pavor occupat artus. Matt.  
26.56.  
 Vix spes ulla fugæ, nisi nox obscura dedisset:  
 Totus enim squalore nigro circumdatus Æther  
 Sidera nulla dabat: præter fera murmura Cauri  
 Tetrica funereum resonabat noctua lessum.  
 Hos inter strepitus sociis timor addidit alas;  
 Dispersim fugiunt, latebras ubicunque requirunt.  
 Hunc oleaster habet; densâ latet ille sub ulmo;  
 Hic celer in cursu, projectâ sindone nudus  
 Eripitur: puduit Simonem magna locutum.  
 O insensati! magnus quos mœror adurit,  
 Rebus in adversis si fortè recedat amicus.  
 Ecce, pius Jesus socium reperire fidelem  
 Ipse nequit, dum, vah pudor! est desertus ab illis,  
 Qui Salvatorem pro se, Mundique salute,  
 Ex Patris æterni gremio venisse sciebant.  
 Solus adest Jesus, solus deducitur horto:  
 O Jesu! solus, manibus post terga revinctis,  
 Huc illuc traheris, per agros, per saxa, per undas,  
 Vix Petrus à longè sequitur; vix audet adire  
 Cum turba Solymam; sub dumis, vepribus, herbis  
 Infidias superesse timet, suspendit eundo  
 Sollicitos gressus, vigilésque cacuminat aures  
 Ad folii strepitum, tacitis nè fortè latebris  
 Fortior, abscessam qui Malchi vindicet aurem,  
 Armiger erumpat. Qualis mutatio, Simon!

Ante



Antè giganteus mortis contemptor ovabas;  
Et modò, quis putet hoc! profugus discedis are

POESEOS SACRÆ ET PARTIS QUARTÆ  
INDUCTIO SECUNDA.

S. MARCUS CAP. 14.

**E**t adduxerunt Jesum ad summum Sacerdotem; & con-  
nerunt omnes Sacerdotes, & Scribæ, & seniores.  
trus autem à longè secutus est eum, &c.

SYNOPSIS.

**D**ominus & Salvator noster Jesus Christus Hierosolyma ad  
morum Pontificum Anna & Caipha judicia ignominiosè  
citur; & ibidem post multa sibi illata ludibria, falsorum  
mendacia, trusiones & alapas, etsi innocentissimus esset,  
mortis reus condemnatur.

**A**ntè fumus Dominum, funesti exordia luctu  
Spectatum, peregrè contrito corde secuti  
Vidimus angores, quibus ille refertus in horto,  
Facta fuit manibus reproborum præda: decebit  
Ut modò captivum reduces comitemur in urbem  
Huc rapitur Iesus cinctus latus omne catenis.  
Fit sonus in portis; concurrunt undique cives.  
Hic bene de Domino sentit, malè judicat ille;  
In reprobis variant affectus. Israël audi!  
Stat Deus in medio populi, quem noveris esse  
Ultorem scelerum. Cautè! nam serior ætas  
Sentiet hoc facinus, totum fugitura per Orbem

Joan. O cæci! Jesus trahitur captivus ad Annam

18.13. Summi Pontificis focerum; deducitur inde

Matt. Ad Caiapham, qui tunc primatum sedis habebat

26.57. Hic Judæorum Magnatibus antè cruentum

Joan. Illud consilium suggererat: Expediit unum

18.14. Pro nobis populòque mori, Convenerat illuc

Pontificum, Procerum, Pharisæorumque senatus

Expe-

Expectans Jesum; quem, cum defertur ad aures  
 Murmur, adesse, ruunt in strata sedilia magnis  
 Calvitiis barbisque graves: cava lumina flammis  
 ART. avidiæ rutilant; turgescunt bile tremendi.  
 Cum turbis Simon incognitus intrat in urbem,  
 Pontificisque domum, fido comitatus Achate, Joan.  
 Qui Caiphæ bene notus erat: muliercula verò, 18.15.  
 Quæ pro more domûs curam foriûmque gerebat,  
 Aspiciens pavidum Simonem, clamat: Et ille,  
 (Extendens digitum) vincti comes esse videtur.  
 O fugitive Simon! monitum memorabile Christi  
 Observa! sed fera loquor: nè fortè periret,  
 Ad vocem Bertæ, Jesum novisse, negabat.  
 Et tamen injusti seriem finemque videret  
 Iudicii; tacitum cohibens sub corde pavorem,  
 Inter Scribarum famulos confedit ad ignem.  
 Arripiunt Jesum; Caiphas primarius inter  
 Scribarum proceres, indutus fronte leonem,  
 Ex Jesu tumidè quærit, quæ dogmata nuper Joan.  
 Sparserit in populum, quales quantosque sequa- 18.18.  
 Nactus in errorem secum perduxerit? ille (ces  
 Pontifici Caiphæ submissâ voce reponit:  
 Me Scribæ, proceres, urbs, & Synagoga loquen-  
 Audivit, doctis, indoctis verba ferentem. (tem  
 Ecce sciunt illi, totam quæcunque per urbem  
 Et peregrè docui, cur ex me talia quæris?  
 Dixerat; & quidam nebulo nequissimus omni Joan.  
 Intulit in faciem Domini conamine plagam; 18.22.  
 Stridorémque ciens collisis dentibus, addit:  
 Siccine Pontifici respondes? Christus, aperto  
 Excipiens colaphum vultu, mitissimus inquit:  
 Si malè Pontifici respondeo, judicet ille; (rari  
 Si bene, cur cædor? manus impia! digna vo-

Ful-

Fulmine, quæ talem truculentiùs intulit ictu  
 Turbatus Christi responso, labra momordi  
 Consilii præses Caiphas, totùsque senatus  
 Nescius in tali quid agat discrimine rerum,  
 Christus enim sermone potens, variisq; per urbe  
 Prodigiiis clarus, multis benefecerat: ire  
 Concessit claudis, cæcis ab origine visum  
 Restituit, multis aures patefecit & ora;  
 Sæpiùs ardentis febrium compescuit æstus  
 Sanavit lepram, pressòsque arthritide; spum  
 Dæmonas ejecit; defunctos vivere iussit:  
 Insuper Angelicos edebat fronte favores:  
 Ex labris spirabat amor, bonitasque benigna  
 Corporis egregii statura Augusta decoris  
 Virtutum radiis totâ lucebat in urbe.

Matt.  
26.59.

Hinc Caiphas metuens furialia murmura vulg  
 Præcipitabat opus, concitis testibus auro  
 Corruptis; decumana quibus, sed dissona, ple  
 Follibus inflavit mendacia livor Averni:  
 Ast nihil effecit. Tandem par nobile fratrum  
 Erupit, nova falsa loquens: Audivimus, ajur  
 Dicentem: Templum Salomonis pluribus ob  
 Exstructum lustris dissolvam, postque dies  
 Elapsam triadem, melior structura resurget,  
 Nullâ hominum fabricata manu. Sed dispare tel  
 Deposuere modo; nec erat contentus iisdem  
 Consilii præses Caiphas, procerùmque coram  
 Attamen ut pulchrum veri justique colorem  
 Adjicerent falso, mirantes ora manùsque  
 Distendunt, acsi resonent oracula testes.  
 Exurgens Caiphas clamat: Quid dicis ad illu  
 Quæ tibi per testes concordis voce probantur  
 Conticuit Dominus; quid enim sperare reliquitur

Cum Judex injustus amat palpabile falsum?  
 Nos stomacho pleni, si livor rodat honorum  
 Exiles titulos; Jesus opprobria clauso  
 Ore tulit: cur non cum tanto Rege tacemus,  
 Ut modicum passu Cœli dignemur honore?  
 Exurgens Caiphas iterum, ceu callida vulpes  
 Pacem fronte gerens, oculis mentitur amorem;  
 Sed clàm corde ferox, mansueta silentia Christi  
 Rupit, composito sic callidus ore profatus:  
 Per verum vivumque Deum te ferò, Christe,  
 Adjuro, fateare palàm, si filius almi  
 Immensique Dei, Cœlesti missus ab arce  
 Ad nos pacificus, totique salutifer Orbi  
 Veneris? Ut Jesus audit per nomina Patris  
 Jurari, sacrum tollens ad fidera vultum,  
 Inquit: Amen tibi dico! Dei sum filius ipse,  
 Méque coruscantem splendore videbitis olim  
 Ad dextram residere Patris super astra locatum:  
 Inde peraugustis veniens in nubibus Æthræ,  
 Atque triumphali Cœli sublimis in arcu,  
 Vestra recensebo patrùmque piacula Judex.  
 Vix patitur Dominum dictis imponere finem  
 Impatiens Caiphas (nam pressa recanduit ira  
 Hoc sermone) caput rabidum, bis, tètq; , quatèrq;  
 Concutiens; quid ais? disruptis vestibus altâ  
 Voce tonat: blasphemus hic est; blasphemia vobis  
 Ulciscenda, Patres! nec egemus testibus ultra:  
 Audistis coràm; vobis quid, amabò, videtur?  
 Confremuère viri, studiisque calentibus ignem  
 Adjiciunt: Reus est mortis! clamatur; & inde  
 In faciem Domini spuitur; maledicatur: urgent  
 Astantes rabiem: ferit hic, ferit ille; scelestos  
 Alternant ictus; saltant in verbera pugni,

Matt.  
 26.63.

Sed

Sed nec, qui Dominum constrictum fune tenebant,  
 Abstinerent manus; feriunt petulanter, & ajunt  
 Christe prophetiza, quis te percusserit? Æther  
 Illa vides; heu! cur ultricia fulmina tardas?  
 Erro; sacros non est res decidenda per ignem  
 Christus amat tormenta pati, cur tanta, rogatis  
Matth. Ut queat ereptam Mundo reparare salutem.  
26.69 Ad Petrum redeo, qui se tantisper ad ignem  
 Frigore contracto calefecerat: ille dolenter, (rum  
 Omnia quæ Dominum cruciabant monstra malo  
 Aspiciens, tacito luctum sub corde premebat  
 Quod præfecta foco, dum fortè resuscitat ignem  
 Observans, dicit Petro: Te credimus esse  
 Discipulum vincti: Quid? vinctum nescio, Petrus  
 Respondet famulæ, pavidusque recedit ab igne  
 Tutior ante fores; auditque senescere noctem  
 Ex galli cantu: quo commonefactus ad ædes  
 Fronte serenatâ rediit; famulisque remissus  
 Ambulat huc illuc cupiens spectare, quid ultra  
 Turbida scena ferat: sed vix elabitur hora,  
 Ex famulis unus, Simoni proximus astans,  
 Dicit ei, vultu pœnas truciore minatus:  
 Tu quoq;, vix erro, sequeris nova dogmata vincti  
 Confirmant reliqui; dictis tamen ille repugnat  
 Dicunt: Ex ipsa Galilæus voce probaris,  
Joan. Et patriota rei: Petrus, sint ista, reponit;  
18.26 Nil reor inde sequi. Te vidi nunquid in horto  
 Urgebat quidam conjunctus sanguine Malcho,  
 Inter olivarum frondes mucrone ferocem?  
 Contremuit Simon famulorum murmure cincto,  
 Ut cervus, quem turba canum circumsona terret  
 Ne tamen incurrat graviora pericula, jurat  
 Per Terram, Cœlum, supremæque Numina, Jesum

Nec novisse quidem. Vix autem evanuit illa  
 Perfida vox, vigili cum gallus nuntiat ore,  
 Cedere Lucinam reduci sua jura diei.  
 O Simon! ubi jam, de quo tam multa crepabas,  
 Est comes in mortem, verique probator amoris?  
 Conversus Petrum respexit Christus, & inde  
 Avertit mœstos ad conscia fidera vultus.  
 Hoc reor aspectu nihil esse dolentius unquam  
 In Mundo visum: nequeunt hic mota teneri  
 Viscera Simonis, nec obortum sistere luctum:  
 Namque revolvebat verbum, quod dixerat antè  
 De galli cantu Jesus, ideoque repentè  
 Excedens turbis, & inobservatus abibat,  
 Confertisque gemens manibus, plorabat amarè.  
 Magna tibi, Simon, incumbit causa doloris;  
 Cassa fides, frustratus amor, desertio turpis,  
 Et Domini plusquam malefana negatio, Judæ  
 Proditione parùm melior. Nos ergò fideles  
 Ex hoc discamus Jesum constanter amare.  
 Dum tenebræ noctis fugiunt, per compita facti  
 Rumor it, & variis sermonibus occupat urbem.  
 Inquirunt cives, quæ sint delicta Prophetæ?  
 Esse reum mortis, multis sermonibus illis  
 Persuadet Caiphas, confictaque crimina narrat:  
 Est, ait, impostor, seductor & urbis, & Orbis,  
 Contemptor legum patriarum, juris & æqui  
 Osor, & immanis blasphemus, qualis ab ævi  
 Principio non est visus, nec credo videndum.  
 Quippe Deo Genitore satum se jactat, & olim  
 Se puniturum Mundi delicta minatur.  
 Obtupuere viri; quid enim truculentius, ajunt,  
 Esse potest? majora fide sunt ista; probemus,  
 An fortassè sui referat magnalia Regni

O

Mag-

Magniloquus nobis. Dictum, factumque: rece  
Ad Jesum, instantes: Nobis ediffere Jesu, (dum  
An tibi Messiaë seu Christi nomen adoptes?

Luc. 22.67. Respondet Dominus: Si vobis dixero, ver  
Nulla fides; nullumque mihi, si quæro, rogan  
Responsum dabitur; nec me, cum fata repugnæ  
Dimittetis. Ego post hæc, scitote, sedebo  
Ad dextram Patris. Repetunt: Quid dicis? es ergo  
Filius Excelsi? Sum, dicit Christus: & ecce  
Protinus in rabidum conversa silentia murmur  
Non secus ac Pelagus, quod, dum fery irruit Aufte  
Fluctibus ad fyrtes, fractisque tumultuat undæ  
Non opus est ultra, clamant, inquirere; nostræ  
Qui fuimus coram, blasphemia terruit aures.  
Carcer, abi! scelus hoc condignâ morte piabis.

POESEOS SACRÆ ET PARTIS QUARTÆ  
INDUCTIO TERTIA.

S. LUCAS CAP. 23.

**E**t surgens omnis multitudo eorum duxerunt illum ad  
latum. Cœperunt autem illum accusare, dicentes: H  
invenimus subvertentem gentem nostram, & prohibentem  
tributa dare Cæsari, & dicentem, se Christum Regem esse.

SYNOPSIS.

**D**ominus & Salvator noster Jesus Christus ex iudicio summorum  
Pontificum & Seniorum populi, ad Romanum Præsidentem Pilatum  
& inde ad Tetrarcham Herodem, Hierosolymis eo tempore  
presentem, deducitur; ab Herode verò omnium ludæorum  
& calumniis expositus, ad Pilatum reducitur.

**I**nterea Eoo produxit ab Æquore plenum  
Deficiens aurora diem; qui postea nigro  
Celsior in cursu, Dominum lugebit amictu.  
Egrediare domo Caiphæ, mitissime Jesu!  
Plena dies rutilat; cupio comes esse Magistrum  
Prætorisque domum tecum multandus adire.

Ecce venit! mugire forum, crepitare catenas  
 Audio! porticibus famulæ, Dominæque fenestris  
 Incumbunt, valvæque domus Prætoria pandit.  
 Hæc videt infelix Judas; auditque, Senatûs  
 Consulto, turpi delendum morte Magistrum: Matt.  
 Turbatur, tantique mali formidine ductus, 27.3.  
 Pontifici Scribisque refert damnabile lucrum.  
 Eheu! peccavi justum tradendo cruorem,  
 Ingeminat; crimen nimis execrabile feci!  
 Ad nos ista nihil, Juda! tu videris, atro  
 Obgannit vultu Scribarum turba: sed ille  
 Irrequietus abit; calidis rigat imbribus ora;  
 Hac ruit atque illuc; rufos rapit ungue capillos;  
 Intentatque manus jugulo, mortemque minatur.  
 Siste gradum, Juda! quæ te furiosa tremendum  
 Mens agit in facinus? veniam clementia Christi  
 Expectare jubet; veniam dabit ille roganti.  
 Sed nil cunctatus sibi spem præcludere tentat,  
 Acceptæ fidei turpissimus heluo; collum  
 Funibus immittens, fractâ cervice, pependit:  
 Utque salire solet mutilato vertice serpens;  
 Palpitat, & moriens clauso spiramine totus  
 Inflat, ruptusque foras jacit ilia venter.  
 Hos videt eventus Caiphas; nec funere motus,  
 Consultat Scribas, quibus illa pecunia possit  
 Usibus impendi, quâ Judas emptus acerbæ  
 Proditionis opus tristi compleverat actu.  
 Non licet hanc, cum sit pretium ferale cruoris, Matt.  
 In sacros usus & commoda vertere, dicunt: 27.6.  
 Præstat, ut hæc, sanctæ qui defuit hæctenus urbi  
 In peregrinorum tumulos locus aptus ematur.  
 Prostat ager figuli venalis; ematur ut ille, (agrum,  
 Concludit Caiphas. Hinc est, quod sanguinis  
 Qui fuerat figuli, vulgò nunc usque vocârint,  
 Ecce



Quàm bene concordant tua verba Prophetarum  
 Zach. Inclyte Zacharia Vates: Domus Israël, inquis, (ver  
 11.12. Triginta nummis argenti, dispare censu  
 Appretiat Dominum, quos deniq; vertit in agrum  
 A figulo dictum. Jesu pietatis imago!  
 Vivus eras doctrina mihi; moriensque sepulchro  
 Esse peregrinis optas; redivivus, anhelos (christi)  
 Scire, quid esse velis? possessio certa salutis  
 Intrudunt Dominum vincētis post terga laqueo  
 Prætoris domui; velut à lanione macello  
 Injicitur jugulanda pecus: tamen inde retracto  
 A Scribis Jesum Pilato sistere missi,  
 Abstinuere pedes; nè fortè coinquinet illos  
 Ingressus, sacroque simul de paschate vesce  
 Impediat: tam magna viros reverentia Legis  
 Continuit, sed nulla tuî miseratio, Jesu!  
 Vix abit è thalamo Pilatus, nuntia servi  
 Apportant, celebrem verbis signisq; Prophetarum  
 Qui nuper tanto cum plausu venit in urbem,  
 Judicio fisti: Prætor miratus abibat  
 Ante fores; dixitque viris, quæ causa rigore  
 Pontifices armet? quæ culpa redarguat illum  
 Quem plebs nil quidquam terrenæ facis habere  
 Ad nos è Superum gremio venisse putavit? (tem  
 Joan. Si non esset atrox manifesti criminis author,  
 18.30 Non essemus eum, clamant, tibi tradere iussit  
 Quid? retinete virum, vestris quoque legibus  
 Respondet Præses, meritas infligite pœnas. (illis)  
 Non licet, ajebant, nobis occidere quemquam  
 Sed tibi, qui sanctâ magni Prætoris in urbe  
 Fungaris officio. Certè præfagia Christi  
 Conveniunt rebus; nam quæ modò facta videmus  
 Et mortem mortisque genus prædixit. Adibo

Judicium supplex ; tua sunt mea crimina, Jesu!  
 Præfide tantisper cunctante, remugit iniquum  
 Vulgus, & orditur distentis rictibus illi,  
 Qui procul à maculis, turpes affingere nævos:  
 Hic, repetunt, urbis cives commovit, eósque Luc.  
23.  
 Annua Cæsaribus vetuit numerare tributa.  
 Insuper obscurâ genitus (quis cætera nescit?)  
 Conditione, crepat, se Regum sanguine natum  
 Esse ducem Judæ, sanctæ dare jura Sioni.  
 Quid minus à tali, quàm sæva rebellio gentis,  
 Præsumi poterit? Præses, qui tædia sensit  
 Ex zelo populi, discedens, protinus ædes  
 Ingreditur, causam trutinans; Dominóq; vocato  
 Quærit, an Hebrææ gentis Rex optet haberi?  
 Respondet Jesus: Quis de me talia vulgat? Jou.  
18. 34.  
 Vel tibi fortè placet, mihi vana opponere? Præses:  
 An tibi Judæus videor? tua natio misit  
 Te mihi funestâ plectendum morte: quid ergò  
 Fecisti? Dominus respondet: Regis honore  
 Non prætendo frui, donec mea regna videbo,  
 Ad Patris æterni dextram soliumque receptus.  
 Si mea regna forent de Mundo, bella moverent  
 Adversus populum famuli, ne victima sævis  
 Traderer Hebræis; verùm mea fata recusant  
 Prælia; pacifico regnat mea dextera scepro.  
 Miratur Præses super his, & ruminat anceps,  
 Quid sibi dicta velint; instat quærendo: Quid ergò,  
 Rex es? & hæredis titulo tibi scepra requiris?  
 Rex ego sum verus, de Cælo missus, ut Orbi  
 Mystica vera loquar, respondet Christus; & omnes,  
 Quos delectat amor veri, mea verba tenebunt.  
 Præses ait: fodes; in quo consistere verum  
 Ergò putas? tacito finem dedit ore loquendi

Salvator ; Præsesque foràs egressus ab altis  
 Eminent odeis : & postquam voce manūque  
 Murmura composuit, Scribis populóque recentis  
 Quid sibi captivus paucis responderit. Illi  
 Corrugant, quatiuntque caput ; turbata susurrant  
 Pax est, inque meros attentio lapsa tumultus  
 Desuper iratus Præses gravitate loquendi  
 Increpat audaces, & digna silentia mandat.  
 Vos, exorsus ait, super his, quæ vincētus aperit  
 Deposuit retulitque palàm, succenditis iras?  
 Quid causæ? vultisne, virum sinè labe trucidem  
 Umbra suum corpus sequitur, sua pœna nocentem  
 Infantes punire nefas, nec Cæsaris almi,  
 Cujus ego vicibus defungor, lege jubetur.  
 Absit, ut innocuos feriam! quis juris & æquæ  
 Cultor erit, si tanta regat confusio Mundum  
 Fluctuat ambiguum vulgus, procerésque retores  
 In Scribas oculos, quos vox facunda Pilati (que  
 Egerat in rabiem; concurrunt, fitque susurrus  
 Quem clamor sequitur confuso turbine vocum  
 Esse reum mortis, resonat leve vulgus; ab omni  
 Turba Sacerdotum conficta piacula coram  
 Gentibus enumerat, commentis pluribus addit  
 Plurima; non cessans, donec consumpserat omnia  
 Materiam falsi. Rediit, mandante Pilato, (mens  
 Ad portam Dominus; siquidem sperabat, ut amicum  
 Sisteret eloquio procerum conamina: verum (p  
 Marc. Immotus tacuit, veluti Marpesia cautes  
 15. 4. Muta repercussis incassum vapulat undis,  
 Invaluit clamor; Præses: Quæ causa tacendū?  
 Indignatus ait; nunquid contemnere vitam  
 Jura vetant? audisne, quibus conatibus illi  
 In tua conveniunt dispendia? rumpe morarum  
 Nemo,

Nexus, & licitis causam defende querelis.  
 Continuat Jesus consueta silentia. Præses  
 Attonitus novitate rei, quid restet agendum,  
 Anxius ignorat: trahit hunc retrahitque volentem  
 Verum non verum; sicut versatile signum,  
 Quod superimpositum turri mutabilis aura  
 Circumagit, Boreasque jubet super ardua verti.  
 Turpia, clamabant (non est temerarius error)  
 Facta relata tibi tacito reus ore fatetur.  
 Ille Galilææ populum corruptit; & inde  
 Ad nos elapsus totam pessumdabit urbem.  
 Hæc Præses celeri capit aure, statimque repellit  
 Ancipites animi curas: Quid, turba, moramur?  
 Inquit: Si vir hic est Galilæus gente, remittam  
 Herodi; commisit enim, vos dicitis, ejus  
 In ditione graves excessus; puniat illum,  
 Cùm sit Judæus, sicut Lex vestra requirit.  
 Applaudunt; constabat enim truculenta Tyranni  
 Barbaries; sed eos spes hæc ex parte fefellit.  
 Magnificâ Solymis aderat comitatus ab Aula  
 Herodes, festosque dies celebrare parabat:  
 Præses ad hunc mittit Jesum, quia subditus illi  
 Esse putabatur: venientem cernit ovando  
 Herodes, tantæque virum cognoscere famæ  
 Expetit; adductum blandâ gravitate salutat:  
 Exspectabat enim (siquidem tam multus ubique  
 Rumor erat super his) ab Jesu signa videre.  
 Exquirat patriam; quis sit quoque sanguinis ordo,  
 Descensusque Patrum; qualisque professio vitæ,  
 Quodque genus studii, multis sermonibus urget.  
 Supprimat at vocem Jesus: frustratus inardet  
 Herodes, verbisque minas truculentior addit:  
 Sed cadit in vanum labor iste; silentia Christus

Luc.  
 23. 5.

Continuata colit. Quis te sermonis Iesu  
 Censeat, Herodes, dignum? qui nuper ovibus  
 Cædibus assiduis; bipedum quoq; pessimus ipsum  
 Qui tibi gratus erat, jugulasti latro Joannem,  
 Excepit varios, semotâ plebe, Tyranni  
 Regia Magnates: Jesum ferventibus illi  
 Accusant studiis; Herodes verò reponit:  
 Quid mihi cum fatuo? precibusq; minisq; rogatus  
 Nec labium movit; sicut simulacra Deorum  
 Oragerunt, sed muta tacent: præstabit, in alba  
 Veste putatitium regem derideat Aula,  
 Expediunt mandata viri; chlamys alba lacertis  
 Injicitur; gaudet curvato poplite Regem  
 Miles adorando: volitat sacra tempora circum  
 Multa manus; barbam trahit hic, trahit ille capillos,  
 Taliter illusum sub densâ plebe remittit  
 Herodes Dominum. Prohibet dolor illa referre,  
 Quæ meus in reditu Jesus ad Præsidis ædes  
 Sustinuit: nimium satis est, si dixerò, tota  
 In stolidos super hunc fuit urbs effusa cachinnos,  
 Blasphemos prohibete sales! est ultio, cives,  
 Præ foribus Dominae populorum! verba Prophetæ  
 Non spernenda! sciet maturo tempore Cælum  
 His adhibere manus! Mansuete revertere Jesu;  
 Arbitror illusum satis esse: revertere magni  
 Angele consilii, Patris Sapientia, Virtus,  
 Splendor, & immensi Thesaure revertere Cæli:  
 Me tibi do comitem, sociusque doloribus adsum.

POESEOS SACRÆ ET PARTIS QUARTÆ  
 INDUCTIO QUARTA.

S. MARCUS. CAP. 15.

**P**ilatus iterum respondens ait illis: Quid ergò vultis faciam  
 Regi Judæorum? At illi clamaverunt: Crucifige eum.

Pilatus verò dicebat illis: Quid enim mali fecit? At illi magis clamabant: Crucifige eum &c.

## SYNOPSIS.

**D**ominus & Salvator noster Jesus Christus, ab Herode ad Pilatum ignominiosissimè reductus, à Judæis eorumque Principibus, non obstante Pilati debortatione, qui Christi innocentiam omni modo demonstrare cupiebat, ad probrosa crucis mortem, crudeli sedueta plebis vociferatione postulatur.

**H**erodes inimicus erat spretorque Pilati;

Hic erat Herodis: paribus, quod constitit urbi, <sup>Luc. 23.12.</sup>

Ardebant odiis: sed cum Rex pacis ad Aulam

Herodis traheretur, atrox cum tigride pardus

Fœdus amicitiae pepigit. Quis cogitet? ipsis

Dæmonibus pax hæc requiem, veniamque dedisset,

Si potuisset adhuc grandæva superbia duram

Flectere cervicem, Jesu mitissime Regum!

Nobis, oro, tui quotquot sub Sole vocamur

Nominis hæredes, inspira pacis amorem.

Pax reparata quidem; sed te compello Pilate,

Quid Domino facies? audis! infania vulgi,

Pontificum delusa dolo, vehementiùs urget

Supplicium vincti. Nunquid tibi constat abundè

Integritas sincera viri? mirabor inanem

Justitiæ, quâ nuper eras accensus, amorem.

Præses in ancipiti curarum turbine, qualem

Arripiat causam dimittendique colorem,

Ignorans, propiùs Judææ culmina gentis

Accersit: veniunt ex totâ gente Supremi;

Cum Scribis veniunt Proceres; venit ipse malorum <sup>Luc. 23.13.</sup>

Pontificum Summus Caiphas: quibus ille coactis,

Celsus in orchestra, distinctâ voce perorat:

Nescio, quid fati dubiâ vertigine Mundum

Circumagat! vitium pulchræ Virtutis honorem

Absorbet; ferale nefas mutatur in æquum;

O 5

Ante

Ante scelus, factique fidem, sententia mortis  
 Percutit infantes; & quando recondidit enses  
 Carnificis damnosa manus, quid fortè malorum  
 Fecerit occisus, fero censore rogatur.  
 Impietas manifesta, Patres! quâ nolo teneri: (dent  
 Numina muta quidem; sed dum sua verba remor-  
 Ultrices acuunt frameas. Quid dicere tentem,  
 Non latet: ecce virum, de quo præclarus in urbe  
 Circumit rumor; cujus facundia, multis  
 Prodigis ornata, senum juvenumque favores  
 Comiter attraxit, dignumque recepit amorem.  
 O hominum fucata fides! hunc vultis atroci  
 Supplicio mortis removeri! qualis amabò  
 Iste furor, Patres? dum, quæ sit causa rigoris  
 Posco; supervacuum mihi, dicitis, ista referre.  
 Dum nitor contrâ; legem, clamatis, habemus  
 Quæ jubet hunc tolli: dum fortius urgeo vinc-  
 Scire nefas, Superi! prætenditis esse rebellem  
 Et seductorem populi, qui Regis honores  
 Ambiat, & patrias studeat pessumdare leges.  
 Discussi totam, quantâ brevitate licebat,  
 Materiam facti; siquidem pertæsa morarum  
 Plebs urgebat opus; sed pro (sacra Numina testor  
 Corpore delicti, non vidî corporis umbram.  
 Novistis, quòd vera loquar; sed an inde remissi  
 Fervor inhumanæ plebis? civiliter urfi  
 Dissuadere malum; genui nova pabula flammis  
 Invidiæ; nihil ista moror; quòd oporteat esse  
 Cordatum, qui jura colit, jubet Author eorum.  
 Quam vincti noxam vestræ quoque Legis amator  
 Herodes reperit? multorum sanguine Regni  
 Sceptra cruentavit; sed ab hoc prudenter atroc-  
 Abstinnit pœnas, ejusque silentia risu

Luc.  
 23.15.

Et nugis Procerum, non funere, digna putavit,  
 His bene perpensis, Patres, nolite gravari,  
 Quòd subterfugiam, vestro populique rogatu  
 Condemnare virum; cuius, quod jura requirunt,  
 Verificare nefas testes, mera falsa locuti,  
 Non poterunt: cohibete viros; facitote, recedat  
 Plebs nimiùm commota; nihil restabit agendum,  
 Quàm vi Justitiæ vincitum dimittere: dixi.  
 Præfidis asperitas, & acutus sermo momordit  
 Livida corda Patrum, confuso murmure verba  
 Discutiunt; referuntque suis, à Præsidente, verso  
 Iustitiæ cursu, vinciti delicta foveri.  
 Infremuit stimolata cohors, ut aquaticus Auster,  
 Aut rigidus Boreas per opaca silentia sylvæ,  
 Et nemorum frondes raptus: plebs, dico, tumultu  
 Infremuit; nec enim, nisi præstò fulgur atrocis  
 Militiæ tenuisset eam, mansisset inausum,  
 Quidquid seditio vel dira rebellio tentat.  
 Hos inter populi fremitus vox eminent una,  
 Quæ culpat Dominum, quòd amet cupiatque vo-  
 Filius Excelsi. Præses, qui mente sagaci, (cari  
 Quâ decoratus erat, complura notaverat antè  
 In Domino, solitas hominum superantia dotes,  
 Turbatus novitate rei, descendit ab alto,  
 Ingressusque domum Iesum vocat ante tribunal.  
 Accessit Dominus: Præses, quem cura sciendi  
 Urgebat, quali Iesus sit origine natus,  
 Immotos oculos in eo sine fine tenebat:  
 Et quoniam gentilis erat; dubitabile verum  
 Esse verebatur, ne quis fortasse Deorum  
 Semine progenitus, vel Cælo Jupiter ipse  
 Venerit, humanâ lustrans sub imagine terras,  
 Scitatur patriam, quæ sit fortuna parentum,



Vivendique modus, pariter tot mira docendi,  
 Quæ tandem Solymam veniendi causa, seorsum  
 Inquirit. Jesus à Præsede tanta rogatus,  
 Verba premit: Præsides, dubio crescente, rogando  
 Instabat; sed tu pergebas Christe tacendo.  
 O Pilate! dies, quâ gentibus aureus ille  
 Sol Evangelii dabitur lucere, moratur  
 In Patris æterni placitis suspensa, quiesce,  
 Donec Romanis, tenebrarum nube remotâ,  
 Luceat alma Fides: Iesum non esse nocentem,  
 Sufficiat didicisse, Penès te stare, severo  
 Ore tonas, Dominum rigidæ subducere morti,  
<sup>Joan.</sup> <sup>19.10.</sup> Vel crucis immani tormento tradere; verùm  
 Insuper sterilemque minæ! nam nullus amantem  
 Terror mortis habet: descende profundius ergo  
 In Domini responsa: Tibi, Pilate, potestas  
 In me nulla foret penitus, nisi desuper illam  
 Ex Superum placito jussu tibi fata dedissent,  
 O qui difficili versatis in axe bilancem  
 Iustitiæ, vestris commissa negotia curis  
 Sollicitâ trutinata manu; notat omnia summus  
 Arbitrator; ambiguam vigili ratione stateram  
 Aspicit, & vestros (sed quis considerat illa)  
 Ad tenues scrupos & grana reponderat actus.  
 Implicitus dubio Præsides, curisque gravatus,  
 Alta reascendit: quo viso vulgus hiabat  
 Auribus arrectis, cupidum responsa sciendi,  
 Quæ dederat Iesus: Præsides caput atque lacertos  
 Concutit ad modicum; tandem sic ora relaxat  
 Indignatus ego, vestroque furore coactus  
 Descendi, super hoc, quod vincetus Filius almæ  
 Numinis esse velit, solidas inquirere causas;  
 Sed me frustratum lusit temerarius error,

Suspenditque magis: quis enim secreta Deorum  
 Abdita, quantumvis vegetæ fit acumine mentis  
 Præditus, humano poterit cognoscere sensu.  
 Non est, quod refero, gentilia sacra sequentis  
 Vana volubilitas, ut gens Iudæa putabit;  
 Nec favor ullus adest: juro per nobile lumen!  
 Quod Deus à Mundi primâ statione diebus  
 Præfecit, moneoque Patres, accommodet aurem,  
 Quisquis amat ratione regi: pronuntio vinctum  
 Criminis immunem. Variato examine testes  
 In latus alternum verti, & mera falsa locutos,  
 Convici liquidò, nec eos hinc ulla remordet  
 Culpa: quid est, superi! quod vestros impedit iectis?  
 Quod caput est, timeo, ne quis sub imagine vincti  
 Divorum latitet; jubet hoc me credere, Patres,  
 Prodigiosa manus, quâ morbos sustulit, unâ  
 Voce salutari pepulit de sede malorum  
 Spirituum faces: nunquid sine Numine, vitæ  
 Luce reaccensâ, potuit mandare sepultis,  
 Ex tumultis prodire foràs? exempla loquuntur  
 Publica, non vanis anuum rumoribus urbi,  
 Ut commenta solent, hæc sunt illata. Profectò  
 Omnia si desint, collecta modestia frontis  
 Crimen abesse docet: placidâ est gravitate decoris,  
 Si patriam, gentemque rogo: si blandior, ora  
 Vertit humi: stomachor; suspenso totus inhæret  
 Sideribus vultu: sævam dum fulmino mortem  
 Intentoque cruces, manet imperterritus. Ergò  
 Iustitiam peramate, viri! Si legibus utar,  
 Quis uti teneor; fas est dimittere Iesum:  
 Si rectâ ratione; jubet prudentia vinctum  
 Libertate frui: si denique consulo jura,  
 Quæ Deus humanis inscripsit cordibus; omnis

Eri-

Eripitur vindicta mihi. Convincitè Patres  
 Me, si vana loquar: si non; dimittite Iesum,  
 Hæc dum Præses ait, malefuado murmure Scribæ  
 More susurronum dementant pectora plebis;  
 Accendunt populum gravius, jurantque, Pilatum  
 Ex odio gentis captivi probra tueri,  
 Quærere dissidium Iudæ, gaudere ruinâ  
 Interitûque Iacob: cui junctis viribus omnis  
 Opponenda manus. Plebs omnis acuminat aures  
 Patribus applaudit, positâsque refuscitat iras.  
 Vana superstition! clamat, quis credat Olympi  
 Indigetes venisse Deos, hominûmque figurâ  
 Assumpsisse? patet nobis, miracula vincit,  
 De quibus annosæ cecinerunt classica matres,  
 Dæmonis auxilio, vel nunquam facta fuisse:  
 Mentitur facies; tegitur sub floribus atrox  
 Bufo, vel atroci bufone nocentior aspis.  
 Tolle nefas; affige cruci: te scandala magnis  
 Exemplis cohibere decet; nec gratior ulla,  
 Crede Pilate, potest mactari victima Divis,  
 Quàm sceleratus homo. Posito clamore, Pilatum  
 Patribus exponit, quæ sit cautela ferendi  
 Iustitiæ fasces; præsertim quando peractis  
 Officiû curis, operum censura timetur.  
 Tiberius summis, ajebat, honoribus æqui  
 Ornat cultores; è contrâ maximus osor  
 Est injustitiæ: quid creditis esse futurum,  
 Si Romam vaga fama ferat, me Præfide, tantis  
 Prodigis celebrem, sublatum morte prophetam  
 Cæsaris ira nocet! si vos (hîc verba Pilatus  
 Sollicito nisu bis tærque resorpta momordit,  
 Illa tamen profert) portare pericula vultis,  
 Captivum flagris cædam; sed judico mortem

Non meruisse, Viri, Pilatum denique votis  
 Cedere gavisi, validis clamoribus instant,  
 Utrucifigatur. Iesu cadende flagellis,  
 Me videt authorem scelerum tua Curia: vestras  
 In me, lictores, in me convertite plagas!

POESEOS SACRÆ ET PARTIS QUARTÆ  
 INDUCTIO QUINTA.

S. JOANNES CAP. 19.

Tunc ergo apprehendit Pilatus Jesum, & flagellavit, & milites  
 plectentes coronam de spinis, imposuerunt capiti ejus:  
 & veste purpureâ circumdederunt eum &c.

SYNOPSIS.

*Dominus & Salvator noster Jesus Christus, à Pilato (qui per  
 hanc lanienam populum à Scribis exacerbatum ad misericordi-  
 am permovere satagebat) flagellis crudeliter casus, populo osten-  
 ditur; attamen Barabba seditioso latroni posthabitus, igno-  
 miniose cruci à vatore Pilato adjudicatur.*

Prævia nox vario tremefecerat omine caram  
 Præfidis uxorem: plangebatur noctua carmen  
 Exequiale; canes ululabant; tota tumultu  
 Ignoto turbata domus pellebat obortum  
 Sæpius ex oculis fomnum, dormire volenti.  
 Vix incepta quies mœstâ sub imagine vinctum  
 Sistebat Dominæ; quo denique territa spectro,  
 Se cubitis innixa levat, famulâsque relatis  
 Luminibus vigilare jubet: pertæsa morarum  
 Increpat auroram; quæ demùm reddita Mundo,  
 Notificare finit rerum portenta marito,  
 Et simul hortari, nè fasces sanguine justis  
 purpuret; esse Deos, quorum metuenda citatis Matt. 27. 19.  
 Passibus à tergo facinus vindicta sequatur.  
 Conjugis ostento turbatum luridus horror  
 Invadit: removet fasces; surgensque relictâ  
 Sede tribunali, semel, & bis, terque retentat

Fa-

Facundo sermone Patrum lenire furorem.  
 Et quia moris erat, festis majoribus unum  
 Matt. Ex vincētis populo dimittere; sedulus urget,  
 27. 15. Marc  
 15. 11. Ut plebs pro Jesu communi supplicet ore.  
 Sed furdīs canitur, præventâ plebe malignis  
 Pontificum monitis: fit sævior inde tumultus  
 Quem Scribæ duplicant (posses æquare boatum  
 Effrenis populi nimbis ululantibus) alto  
 Unanimes, hunc fige cruci, dimitte Barabbam  
 Conclamant fremitu. Vah!barbara natio Judæ  
 Non pudet infonti tantum præferre latronem  
 Descendit Præses curarum plenus & atræ (lossi  
 Quid sibi noctis aves, quid vox gemebunda mo  
 Quid vaga spectra velint, turbatâ mente voluta  
 Est, secum recolit, perversæ gentis acerba  
 Barbaries; quid ego coner? cur territa conjun  
 Ostentis? Cælum! si quis Deus ullus in illo  
 Regnat, disturba, vel da mansuescere gentem  
 Cæsaris intererit, tantis à motibus urbem  
 Et populi furis servare: necessitor ergò  
 Ut vincētum (quamvis mens averfata furorem  
 Horreat) innumeris jubeam laniare flagellis;  
 Fortè truces animi crudelia flagra videndo  
 Deponent furias: afflictis saxa feruntur  
 Condoluisse: velim, si fallat opinio, nigri  
 Exitiale chaos populum deglutiat Orci.  
 His ità firmatis, Martem, qui stabat in armis,  
 Joan. Congregat, atque jubet captivum mille flagella  
 19. 1. Matt. Castigare; ruunt acceptis jussibus omnes  
 27. 26. In diversa; secant ramos ex arbore, virgas  
 Conficiunt; funes, scuticas, & quidquid in usum  
 Flagrorum servire potest, bacchante furore (ch  
 Arripiunt: Dominum (pudor est!) sinè veste, verè  
 Vix

Vix bene contectis, duplicato fune trabali  
 Astringunt palo: post hæc, ut grando per Austrum  
 Arbustis illisa solet, crepitare flagella  
 Incipiunt: numerosa cadit, numerosa resurgit  
 In nova flagra manus. Res est horrenda relatu!  
 Crura, pedes, lumbos, scapulas, dorsumq; latusq;  
 Cum cervice caput, vaga carnificina pererrat.  
 Ictibus incumbunt ictus; in vulnera plagæ  
 Concurrunt; trepidant venæ; vix ossibus hæret  
 Rupta caro; toto nil est in corpore sanum.  
 Purpureo fluit imbre solum; tabulata cruentant  
 Excussæ ferulis guttæ; per inania rami  
 Virgarum volitant. Inferni spectra videte!  
 An nequeant homines vestros æquare furores?  
 Labitur in terram Dominus: cessate tyranni!  
 Fortè animam callapsus aget: cessate flagellis!  
 Supponam mea dorso reus; cur triste recusem  
 Supplicium? merui: quid agis mea Vita? levare!  
 Tu dolor es; facinusque meum: mea dextera plagis  
 Est inscripta tuis; mea lumina flumina fundant,  
 Ut tua, mi Iesu! contritus corde, lavando (mi  
 Vulnera consolidem. Concurrite, quotquot Ada-  
 Crimine stringimini, nostrisque accedite votis.  
 Respirat Dominus; redeunt ad verbera pugni:  
 Præses adest, Iesumque videns in sanguine volvi,  
 A flagris cessare jubet; fierique coronam  
 Ex spinis, sceptrum ex cannis, ex murice vestem Matt.  
 Ordinat, ac populo tali sub imagine Regem 27.27.  
 Præcipit ostendi Fiunt mandata: probrosum  
 Imprimatur lacero capiti diadema; feroces  
 Ad cerebrum penetrant spinæ; nova copia sacri  
 Sanguinis erumpit: patitur, miserabile visu!  
 Deliquium mentis; cervix collapsa fatiscit!

P

Iam-

Jamque cadunt oculi, membrisq; novissimus hoc  
 Infidet. Ah! prohibete mori! satis ille dolorum  
 Pertulit: accedam plorans; opobalsama sancti  
 Naribus affundam: Jesu tristissime! nostra  
 Sit tibi grata, precor, compassio, balsama funde  
 In te fixus amor; lacrymæ fomenta ministrent  
 Interea Dominum mediâ de morte reverti,  
 Transfixum relevare caput, lassumque cruentum  
 Inniti genibus, grandi mœrore, videmus,  
 Erigitur, saxoque rudi pro sede potitur:  
 Purpureo centone latus vestitur; arundo  
 Inferitur manui; curvato poplite, Regum  
 More salutatur; colaphis tumefacta, saliva  
 Conspuitur putri facies; quid plura? nefandis  
 In mera carnifices laxant convicia rictus.  
 His rabies saturata finit, mandante Pilato,  
 Ostendi Dominum turbis: inclusa securis  
 Fascibus effertur; cinctus latus omne ministrum  
 Subsequitur Præses; post hunc, plorate fideles  
 Attrahitur Dominus. Lacrymabile schema! crucis  
 Horruit aspectu vulgus; tacitumque Pilato (entis)  
 Concessit spatium pro Jesu pauca loquendi:  
*Joan. 19. 6.* *Ecce, profatur, Homo!* (chlamydemq; repandit lesis)  
 Vix hominis speciem retinens, summique dolorum  
 Flebile prototypum: contemptu plenus acerbum  
 Sustinuit plagas; multis de millibus unum  
 Vulnus, inhumanis corpus laniando flagellum  
 Effecit rabies: certè! nisi frena dedissem  
 Ausibus, è lacero pepulissent corpore vitam:  
 Quod superest animæ modicum, finè Numini  
 Tollere non ausim: nolo, me tigride natum  
 Postera Judaicas traducat fama per urbes,  
 Sæviturum satis est; funesta tragœdia tandem

Fine coronetur. Moveor dimittere vinctum  
 Plenum vulneribus ; Solymæis pulsus ab agris  
 Vivat in exilio : quamvis me iudice nulla,  
 Quæ miserum possit convincere, causa superfit.  
 Vix ea fatus erat, mirum ! ( nam corda malignæ  
 Gentis in eduros filices converterat Orcus )  
 Turba reassumptis resonat clamoribus : Ulmo  
 Hoc appende scelus ! crucifige ! domabile solâ  
 Morte recide nefas ! Præses per talia motus  
 Altâ voce tonat : Feritate videminor urfos  
 Pantherasque truces præcellere ; vixque teneri  
 Credo sub humanis hominum vestigia formis.  
 Eheu qualis homo ! laniatum mille flagellis  
 Corpus hiat ; Superi ! miseret me pauperis hujus  
 Afflictique viri : vos propria natio , versi  
 In scopulos , nullum sentitis corde dolorem ?  
 Insanite ferox vulgus : dimittere vinctum  
 Nolo retardari ; quis enim , finè vindice Cælo,  
 Infantes delere potest ? Si vultis habere,  
 Ocyus extradam vobis ; occidite Jesum :  
 Dummodò non maculem justorum sanguine Divi  
 Cæsaris Augustos fasces. Pars ultima vocis  
 Non evanuerat , duplicabant murmura turbæ.  
 Justitiæ zelus , reboant , finè jure vocatur  
 Durities animi : qui non castigat iniquos,  
 Irritat ; rigor hic vigor est & gloria legum !  
 Tolle putatitium regem ; crucifige ! quid inde ?  
 Rumpe moras ! Absit, vestrum crucifigere Regem, Joan.  
 Præses ait. Turbæ respondent : Solus & unus 19.15.  
 Tiberius Cæsar nobis Rex imperat : omnis, Joan.  
 Qui sibi sceptrâ capit Solymæa , piacula læsæ 19.12.  
 Majestatis habet : caveat sibi quisque , rebelli  
 Auxilium præstare fugæ : sincerus amator



Cæsaris esse nequit, qui tali labe notatum  
 Libertate beat. Respondet plurima Præses,  
 Luctaturque diu; sed cum ratione furorem  
 Flectere non posset, neglecto jure, quod ante  
 Laudibus extulerat, populo consentit iniquum  
 Impius, infamis timor, & vecordia nunquam  
 Detestanda satis! te iudice labe carentem  
 Non modò, perversæ placiturus inaniter urbi  
 Ad fera flagra trahis; sed, quod miramur, eundem  
 Ex tenui vanoque metu crucifigere mandas?  
 Grande malum! nullis scelus æquiparabile damnum  
 Erro; salutiferum scelus hoc fuit, utile toti  
 Humano generi: quamvis, quod oportuit, in  
 Contigerit Pilate tibi pars nulla salutis.  
 Lætantur Scribæ; congaudet mobile vulgus;  
 Sæpius obsesso proscripse ex corpore Dæmon  
 Exultas: sed quod sperabas utile, fiet  
 Exitiale tibi. Comparet latro Barabbas,  
 Carcere dimissus; donatur civibus: illi  
 Insignes referunt, laudato Præsidente, grates.  
 Sed mens pressa malis Pilatum turbat, & urbi  
 Acclamare jubet: Cives urisistis, & usque  
 Cogitis instanter, Jesum crucifigere: vestris  
 Sed tamen invitus, tribui clamoribus aures,  
 Consensusque malis. Quo dicto respicit unum  
 Ex famulis, pelvîmque jubet, lymphâmque parantem  
 Supponit, mundatque manus: his denique lotas  
 Abstersisque palam; turbis, ut dedecus esse  
 Testatum Mundo serisque nepotibus, inquit  
 Ecce manus puras à justis sanguine! vestro  
 Ex jussu moritur: vos, gens Judæa, manebitis  
 Exitus auspicio gravior; me nulla futuri  
 Sollicitudo gravat. Sed protestatio calva,

Dissemi

Luc.  
23.25.

Matt.  
27.24.

Dissimilis juri, cùm sit contraria facto.  
 Discite posteritas generoso corde tueri  
 Oppressos inopes, nullisque favoribus uti:  
 Tuta domus justì, quamvis è cardine Mundus,  
 Et discussa ruat Cœlorum machina, Vulgus  
 Futile, cautelam timidi Prætoris aniles  
 Esse putans curas, uno commurmurat ore:  
 Ergò cadat vincti sanguis super Israël; urbem <sup>Matt.</sup>  
 Ille cruor jugulet, nostrisque nepotibus obsit. <sup>27.25</sup>  
 Onimium secura Sion! non tela, nec ignes,  
 Non hominum numerosa manus, nec ferreus ag-  
 Obstiterint, quin ausa luas. Tristissime Jesu! (ger  
 Difficilem, fateor, sub iniquo judice causam  
 Gessisti: tua causa, salus mea; vita tuorum, (thor  
 Mors tua: nunquid ego sum complex criminis? au-  
 Et scelerum coryphæus ego! mea culpa scelusque  
 Te sceleris vacuum pessum dedit. Ergò fatebor:  
 Obstupuere tibi dentes; ego cruda comedi.

POESEOS SACRÆ ET PARTIS QUARTÆ  
INDUCTIO SEXTA.

S. JOANNES CAP. 19.

Susceperunt autem Jesum, & eduxerunt, Et bajulans sibi  
 crucem, exivit in eum, qui dicitur Calvarix, locum,  
 hebraicè autem Golgotha: ubi crucifixerunt eum, &c.

SYNOPSIS.

Dominus & Salvator noster Jesus Christus, vestibus suis rein-  
 ductus, immani crucis sarcinâ oneratur; & Hierosolymis,  
 inter ignominiosissima effrenis populi opprobria & maledictiones,  
 semivivus in montem Golgotha, innumerabili hominum  
 multitudine spectante crucifigendus educitur.

Vix prolata fuit mortis sententia, præcox  
 Fama gradu celeri totam perlabitur urbem.  
 Concurrent juvenes; adrepat tarda senectus;

Et quia majore festum Paschale paratu  
 Vulgus adornabat; variis ex urbibus ingens  
 Orbis in urbe fuit, multis qui millibus auxilium  
 Accursum populi. Confusa tumultibus urbis  
 Compita turbantur; domuum fastigia multo  
 Spectatore crepant; variis sermonibus ora  
 Occupat infamis lethi sententia: Scribæ  
 Significant plebi; detecta piacula vinciti; (ultis  
 Hunc plusquam meruisse crucem; non esse, quod  
 Supplicium tardare queat. Plebs credula diris  
 Devovet infontem Jesum; dolet insuper, uno  
 Tantum posse mori letho, quem plura merentur  
 Tanta peritorum dicant oracula Patrum.  
 Interea Dominum, jussu Prætoris, ad atra  
 Inferiora domus, ubi vidimus antè tremendis  
 Verberibus cæsum, licitorum turba reducit. (gunt  
 Eripiunt humeris chlamydem, propriisq; recin-  
 Vestibus, & solidis dextrum latus atque sinistrum  
 Innectunt laqueis. Mox vasti ponderis arbor  
 In binas dissecta trabes, trabibusque deinceps  
 Transversim junctis, fit crux: hanc licitorum  
 Imponit Domino; qui tantâ mole gravatus (quis  
 Fluctuat, inque solum depresso poplite lassus  
 Corruit: insequitur labentia crura cadendo  
 Pondus, & horribili prostratum supprimit ictu.  
 Lictores adsunt, removent à corpore lignum,  
 Inque pedes Jesum relevant: pertaxa morarum  
 Turba jubet celeri Dominum procedere gressu.  
 Perge scelus! clamant; maledictis verbera jun-  
 Crux relevata solo, Christi q; recepta lacertis (gunt.  
 Cervicem dorsumque premit; duplicatus atroc  
 Mole dolor cruciat, plagisque recentibus urit,  
 Processit Jesus, celer exit anhelitus ore;

Joan.  
19.17.

Stare pedes dubitant; circumfusisque fatelles  
 Nutantem quandoq; tenet; quandoq; ministrant  
 Obvia saxa basim: tentat tamen, atque retentat  
 Ire; cadit, surgit; tristi, surgendo, cadendo,  
 Tramite carpit iter; miseranda tragœdia visu!  
 His quem non moveo, de sæva tigride natum  
 Esse reor, vel lac rapidæ suxisse lænæ.  
 Sufficit: ad reliquos pergunt mea carmina luctus.  
 Innumeri juvenes, baculis quoque nixa senectus,  
 Calones, lixæ, balatrones, hoc genus omne  
 Præpediunt venientis iter: plebs omnis ad illud  
 Hocque latus, muros, ædésque coërcita, Jesum  
 Subj cruce plorantem, pressum, tam sæpe cadentem  
 Non juvat, aut relevat; sed durâ voce repellit. tem  
 O Jesu! tibi nulla quies conceditur, eheu!  
 Unica mors superest, tantorum meta laborum.  
 Sed, licet abnueret passim plebs effera victo  
 Suppeditare manus, humerisq; levare cadentem;  
 Attamen intererant populo, quos juris & æqui  
 Exstimulabat amor: Superi dormitis! aperte  
 Exclamant; pudor est, quantam dementia gentis  
 Vertitur in rabiem! cives! Deus alme! quid illud!  
 Cernite, quid valeant humeri, quid ferre recusent!  
 Auxilium præstare viro: sub mole recumbit!  
 Vir Cyrenæus tandem, prænomine Simon, Matt.  
 Cultor agri, veniens defessus rure, lacertos 27.32.  
 Cogitur invitus tantæ supponere moli.  
 Ofelix Simon, onus hoc si sponte tulisses!  
 Tessera Christi adûm crux est, & terror Averni;  
 Et propè Numen habet sancta & venerabilis arbor.  
 Interea Domini Mater, rumore nefandi  
 Supplicii tremefacta, flagrat valedicere Jesu.  
 Hinc matronarum tristi comitata cohorte,

Egreditur lacrymosa domo; Solymisque bicornem  
 Nacta viam, quâ turba ferunt iter esse reorum  
 Lugubris incedit plorans, & pergere Nati  
 Ardet in occursum; matrum circumstat amara  
 Turba fluens lacrymis; veluti cum Vere reverti  
 Bistonix tepuere nives, liquuntur in amnes.  
 Hos inter planctus, abjecti reptilis instar,  
 Tardus adest Jesus: quem Mater vidit, & ecce!  
 Horruit aspectu, gelidæque simillima morti  
 Excessum mentis patitur: vix reddita vita,  
 A turbis, pleno multis singultibus ore,  
 Postulat amplexum Nati mœstissima Mater.  
 Siste gradum; laudanda rogas, nec digna negant  
 Admittenda tuo centum dabis oscula Nato,  
 Amplexus centum; quos inter talia plangit:  
 O uteri fortuna mei! pars ultima vocis  
 In medio jugulata sono luctatur, & omnem  
 Lingua recusat opem: tandem laxata dolore  
 Vox invenit iter, gemitisque in verba soluti:  
 O utinam mea lux, mea spes, mea vita, meumque  
 Cor Fili! pro te vitam, tecumque liceret  
 Reddere! mors felix posituræ morte dolorem:  
 Quid curem superesse diu? pie spiritus exi!  
 Ut duo concordem animam moriamur in unâ:  
 Plura redux mœror vetuit; nec turba finebat  
 Longius in charâ Matrem cervice morari.  
 Hinc Nati cubitis exempta, novissima dulces  
 Amplexus laxat, tremuloque miserrima dixit  
 Ore: *Vale Fili*; collapsaque corpore, toto  
 Corruit exanimis. Matres! ex pulvere Matrem  
 Eripitote Dei, nimio ne pressa dolore  
 Præveniat moriens instantia funera Nati.  
 Accurrunt, Matremque levant; ex morte reverſa  
 Eher.

Eheu! funeream sequitur tristissima pompam.  
 Ex hoc imbelli comitatu fœmina quædam,  
 Traditione Patrum Veronica vocata, cruore  
 Exundans Christi caput abstersura, cucurrit:  
 Admittis pietatis opus, mitissime Iesu!  
 Porrigis obtutum; mulier promptissima tergit:  
 Terferat; & facies in sindone tota resedit.  
 Nobile prototypon Domini; quod Roma (sacrorum,  
 Eversâ Solymâ, Superis tribuentibus hæres  
 Facta) peregrinis illuc venientibus offert.  
 Exivit Solymis, quidquid sua crura movere,  
 Et proferre pedes poterat; cum matribus ingens  
 Turba puellarum, juvenum quoq; maximus ordo;  
 Vivebat Solymæus ager, coopertaque Mundo  
 Arva tegebantur; sicut pluvialibus Ister  
 Exit adauctus aquis, vicinâque prata pererrat.  
 Motibus ambiguis, dubiisque favoribus omnis  
 Spectator pensabat opus: sua facta probabat  
 Invidia Synagoga caput; doctrina salutis  
 E contra, stabili signorum luce probata,  
 Plures in solido Domini firmabat amore.  
 Præ reliquis matres, in quarum cordibus ipso  
 Naturæ ductu posuit clementia sedem,  
 Grande nefas flebant: Iesus se vertit, & illis  
 Vaticinatus ait: Quid me defletis amicæ?  
 Nil juvat, ut surdas vestris plangoribus aures  
 Pulsatis populi, placitumque libenter euntis  
 Impediatis iter; vestrum differte dolorem,  
 Et propriis servate malis: non plangite Jesum;  
 Sed patriam, cives, uteri quoque pignora vestri,  
 Denique vos ipsas condigno plangite luctu:  
 Tempus enim verò veniet fatale furoris,  
 Terribilisque dies, quo vos, ô optima matrum

Luc.  
 23.27.

P 5

Vós-

Vósque puellarum lectissima turba, tremenda  
 Luctibus oppressæ, pavido resonabitis ore:  
 Felices steriles, quæ non genuere! beata  
 Ubera, quæ nullo lactârunt tempore prolem!  
 Quid loquar ulterius? dum mente per omnia die  
 Prævideo, matres, pereundi mille figuras:  
 Audio clamari: Montes incumbite nobis!  
 Et nos, ô colles, densis operite ruinis!  
 Hæc, ingrata Sion! hæc sunt dispendia rerum  
 Expectanda tibi; siquidem dum talia fiunt  
 In viridi, quæ non fors arida ligna manebit?  
 Vix quadraginta vicibus Sol annuus Orbem  
 Zodiaci solito cursu confecerat; ecce  
 Urbs intestinis agitata furoribus, \* audit,  
 Væ! væ! væ Solymæ! clamari: cernit in alto  
 Horrendum trucibus flammis ardere cometam  
 Iudæos populo Romano namque rebelles,  
 Ulturi rapiunt ex postibus arma Quirites;  
 Arma vetusta Patrum. Varios aptatur in usus  
 Ferrum, quod parmam firmet; quod muniat arcum  
 Belligeros quod frenet equos, quod vincula necem  
 Prohibus abductis; quod Hebræo sanguine fumum  
 Castra superba locant; circumdant mœnia vallum  
 Sævitas in urbe fames; profugi capiuntur ab hoste  
 Et captivorum numerus crucifigitur ingens  
 Sylva minor crucibus, cladésque miserima! totum  
 Nobilitas cum plebe ruit, latèque vagatus  
 Ensis vix ulli rabie crescente pepercit.  
 Stat cruor in Templo, multâque rubentia caecum  
 Urbis saxa madent; nulli sua profuit ætas:  
 Non senis, ad finem vitæ properantibus annis  
 Abbreviare diem piguit, nec ab ubere matris

\* *Joseph. de Bell. Jud. L. 7. c. 12.*

Pendentes pueros, duplicatâ tollere cæde.  
 Lingua file; non est ultrâ narrabile, quantis  
 Sera Palæstinos consumpserit ultio pœnis.  
 Ad tua, mi Iesu! convertor dramata: lassum  
 Te video, plenum roseo sudore, gravatum  
 Mole crucis, curvum te montis in ardua niti;  
 Si mereor, tanti comitem sociûmque laboris  
 Me patiare, precor! Video, tristissima Matrum,  
 Te video Nati vestigia mœsta sequentem;  
 Te video, rapidis ût cymbam fluctibus, amplis  
 Luctibus oppressam, gelido sudore natantem,  
 Tristibus immersam lacrymis, pelagôq; dolorum:  
 Compatior! tantique peto consortia luctûs;  
 Te Matrem: sed quæ conventio lucis, et umbræ?  
 Difmas & Gesmas, trucium par grande reorum,<sup>Luc.</sup>  
 Insignesque gravi multorum cæde latrones,<sup>23.32.</sup>  
 Educti vinctis manibus post terga sequuntur.  
 Hos comitatur atrox liëtorum copia, gestans  
 Instrumenta, malam sævamque parantia mortem.  
 Denique Longinus, nulli cessurus in armis,  
 Magnanimo sublimis equo; pugnumque bipenni,  
 Armatusque femur gladio; latus omne superbo  
 Milite cinctus, adest motum compescere vulgus.  
 Hæc fuit ad tristem processio lurida montem  
 Golgotha: quàm multò fuit hæc inamœnior illâ,  
 Cùm sacra Thariades Superis holocausta daturus,  
 Spem feram, columénque domûs educeret Isaac.  
 Perge salutifero, Iesu Via vera! labore  
 Ad Cælum reparare viam, quam clausit Adamus,  
 Dum mortis substravit iter: labor ille triumphum  
 Terrigenis pariet, turbabit regna tremendi  
 Ditis, & æternæ confringet vincula mortis.

POE-



POESEOS SACRÆ ET PARTIS QUARTÆ  
INDUCTIO SEPTIMA.

S. MATTHÆUS. CAP. 27.

**E**t venerunt in locum, qui dicitur Golgotha, quod est Calvarie locus. Et dederunt ei vinum bibere cum felle mixtum; & cum gustasset, noluit bibere. Postquam autem crucifixerunt eum, diviserunt vestimenta ejus, sortem mittentes; ut impleretur, quod dictum est per Prophetam dicens: Diviserunt sibi vestimenta mea, & super vestem meam miserunt sortem, &c.

SYNOPSIS.

**D**ominus & Salvator noster Jesus Christus, in montem Calvarie sive Golgotha luctuosissime eductus, ibidem inter duos famosos latrones, ut eorum antesignanus, populi seductor, & perduellus, qui gentem contra Casarem excitasset, & se fecisset regem, crucifigitur.

**H**actenus exhibui præludia magna! dolorum.  
Iam verò majora fide, majora relatu  
Attoniti spectate viri: spectate! tragædus  
Actor inaudito referam spectacula luctu:  
Vasta theatra patent; velamina mota tremen  
Clarius ostendent, quid portet Golgotha, Munde  
Huc oculos, vigilésque pii convertite mentes  
Christiadæ; vos tangit opus: spectate fidei  
Pectoris intuitu, lassum sub pondere Iesum  
Tot post angores ac tædia magna viarum,  
Post varios luctus, in vertice montis adesse.  
Cruis humeris excussa ruit: fodit ocyus aptam  
Carnificum pars una scrobem, quæ postea lig  
Accipiat teneatque pedem; pars altera magn  
Viribus incumbit terebris, formátque, premen  
Et torquendo, vias clavorum: fune soluto,  
Denudant alii Iesum; solóque pudore

Vix bene conlecto, corpus venerabile duris  
 Injiciunt trabibus. Quòd si, componere summis  
 Ima, mihi fas est; veluti pecus iceta securi,  
 Quam superincumbens lanio, mucrone resecto  
 Gutturè, deglubit; sic, ô tristissime Iesu!  
 Magnorum tibi turba furens atròxque latronum  
 Incumbit: trahit hic dextram, trahit ille sinistram,  
 Hic caput, ille pedes: subjectæ corpus adaptant  
 Imponuntque cruci. Mater lassata sequendo  
 Sera venit; viridis palmæ sub frondè reclinans,  
 Mox subsidit humi, mentem superante dolore.  
 Sæpe piæ comites teneris amplexibus ægram  
 Tollere conantur; consolarique gementem;  
 Sed frustra, raptæ dicunt solatia menti:  
 Muta jacet, virides ægris terit artubus herbas;  
 Humectâtque pio lacrymarum gramina rivo.  
 Imponunt clavum dextræ; dat malleas icetum,  
 Multiplicâtque; sonus Matris defertur ad aures:  
 Hæc ad quemq; tremens, rumpi sua viscera sensit.  
 Lava dein brevior, quàm quæ pertingere possit  
 Ad loca clavorum; sed fune ligata (dolorum  
 Triste gen9!) trahitur, multumq; retracta, foramen  
 Equat, & incussum vehementi verberè clavum  
 Fixa cruci recipit, fibrisque trementibus horret.  
 O Superi! tardatis opem? dispergite flammis  
 Furciferos; vel dente fero consumite sævi,  
 Qui sub inaccessis habitatis rupibus, ursi! (nem?  
 Hei mihi! quò labor? quem mens mea concipit ig-  
 Quid cinis exiguus stomachor? cùm mitior agno  
 Ora premas Iesu, dilatans brachia, totum  
 Ut tibi perpetuis jungas amplexibus Orbem.  
 Taliter extensis manibus, clavóque ligatis,  
 Restabat laniena pedum; quos, milite signum

Dan-

Dante, lacertosi calones fune trahebant,  
 Tandem distractâ genuum compagine, bina  
 Pleniùs æquabant terebrata foramina plantas  
 Curritur; obtusos offert sine cuspide clavos  
 LiCTOR, & imponit pedibus, clavâmq; levans  
 Et relevando, feris transverberat ictibus ambros  
 Abruptæ trepidant venæ; fluit unda soluti  
 Sanguinis; & nervi solitâ statione revulsi  
 Multiplicant rigidum summâ feritate dolorem  
 Mater ad auditos sonitus (quis posse negabit)  
 Ut solet attritus Cœlorum fulmine, tota  
 Obrigit: tristes matronæ (flebile visu)  
 Circumstant, agitantque ægram: sibi reddita, t  
 Surgit; & optatæ non est data copia mortis. (da  
 Interea mediis fastigia Phœbus Olympi  
 Scandebat, summoque crucem sub Sole levans  
 Tempus erat: vocat hinc furiosi robora vulgi  
 LiCTOR in auxilium; currunt; validique lacert  
 Ocyùs injiciunt trabibus; modicumque levans  
 Tergora lata cruci supponunt: altiùs actæ  
 Substituunt hastas; stantemque, ferociùs antro  
 Injiciunt; & nè forsan commota vacillet  
 Pars immissa, scrobem saxi, palisque tuentis  
 Mens devota Deo rigidos perpende dolores,  
 Quos tuus erectâ patitur crucis arbore lesis  
 Quippe gravans pondus crucifixi corporis omni  
 Extendit nervos; detrusum robur in antrum  
 Vulnera dilatat; grandis concussio plagas  
 Concretas tabo renovat, capitique coronam  
 Fortiùs illidit. Perpende, quòd anxia Mater,  
 Sub cruce multiplici gladio transfixa doloris  
 Ingluviem cupidæ carò persolverit Evæ.  
 Vix erat in montis dorso crux fixa, quaternis

Conspicienda plagis Mundi; tolluntur in altum

Affixi crucibus, trucium par ecce! latronum: <sup>Matt.</sup>

27.38.

Primus habet dextrum Domini latus; alter, Averni  
Victima danda rogo, sortitur latro sinistrum.

Vah pudor! & nullis scelus excusabile linguis!

Cum tenebris lux alma poli, cum crimine virtus,

Cum furiis pax sacra soli, cum grandibus almi

Alma propago Dei fœdè reputatur iniquis!

Quid reputatur? eis postponitur, utque malorum

Exemplare nefas toti proponitur Orbi.

Omnibus in terris scelus hoc, omnique sub ævo

Posteritas damnabit! atrox Synagoga quid audes?

Quò properas cunctis Erebi dignissima pœnis?

Emoveor! sed quis poterit compescere motus,

Quos inspirat amor? quis te, mea viscera! Iesu!

Huc attraxit? amor! quis te, pars optima Cæli!

Carne meâ vestivit? amor! quis denique tantis

Vulneribus lacerum crucifixit? zelus amoris.

Ah! trahor ecstático raptu super ardua montis

Sanguinei, tragicumque meis, necis improbus au-

Haurio luminibus Christi patientis agonem! (thor,

Sum, cur ista negem? sum, pro me facta loquuntur,

Sum scelerum fabricator ego! manus ista paravit,

Quâ pendes, mea Vita, trabem! mea dextera nu-

Fudit in obtusos ferrum laxabile clavos. (per

In te, mi Iesu! plecti mea crimina, serus

Aspicio: vanos elati cordis honores,

Opprobrii caligo; famem prædivitis auri,

Maxima paupertas; fœdósque libidinis ignes,

Affidui fletus; livoris turpe venenum,

Supplicium crudele; gulam penuria rerum,

Esuriésque frequens; furiosi pectoris æstum,

Carnificina gravis; torporem mentis, amara

Anxie-

Anxietas mœrorque luunt Ter flebile fatum  
 Currite pendentes oculorum in margine rivi  
 Et Cedronis aquas, vestris accessibus, extra  
 Angustas per agros Solymæos ducite ripas.  
 Vah piget! ah quis sum! quando, quid, quanta pecc  
 Crimina? peccavi! sed \* *avi!* vaga replicat echo,  
 Error agit mentes; urgent primordia culpæ  
 Primævæ: sed vox stolidæ scelus insonat Eve.  
 Error adhuc pergit; mihi propria culpa minatur  
 Estque sub obtutu: repetit vox mimica: Tu  
 Iam mera vera canit, nostrisque doloribus Echo  
 Assonat; omnis enim terrarum noverit Orbis  
 Nostra fuit quod Adæ placitis inclusa voluntas  
 Hinc sua quemque gravant, non sola piacula Pa  
 Accedunt patriis decumana Ceraunia culpæ (trum  
 Accumulantque malum; focium me criminis esse  
 Convincor: quoties ingessi Pelion Ossæ!  
 Et scelus imposui sceleri! cur vera negabo?  
 Perversos animi motus, quibus inclyta virtus  
 Ceu ratis ad Pelagi scopulos agitata, pudoris  
 Naufragium patitur, contritus corde repono  
 Sub Crucis altari; veteres hinc immolo sensus  
 Nulla resumpturus delectamenta: capillis  
 Inspergo cineres; facci squaloribus ossa  
 Vestio; nec deerit dorso sua pœna flagellum  
 Frigida nectar erit; panis mihi mucidus esca  
 Strata dabunt paleæ, largo stagnantia fletu  
 Sistamus lacrymas! flabit vehementior Austere  
 Vivit adhuc Iesus; morti majora reservo.  
 Ad metam vertor, cum tanta tragœdia posca  
 Pleniùs exponi: dictis advertite mentes.  
 Gens Hebræorum, Synagogaque tota, ferocia  
 Inp

\* intellig. Adam,

Invidiæ crudele nefas sub imagine recti,  
 Mendaciq̄ue boni specie, proponere Mundo  
 Nititur; hinc causam probrosæ mortis in altâ  
 Parte crucis scribi, multis ambagibus urget.  
 Annuitur votis: Præses magnalia Regis  
 Hebræo, Græco, Latio sermone legenda  
 Inscribit tabulæ; quis non censebit Olympi  
 Ductibus arcanis Prætorem vera locutum?  
 Constat enim Jesum (si carnis jura requiris)  
 Matthæo numerante gradus, de stemmate David  
 Progenitum, Regis titulos de jure mereri.  
 Displicuit diploma vaftris; nam livor eorum  
 Ibat in opprobrium Domini: quid multa? Pilatum,  
 Ut titulum mutet, perfrictâ fronte fatigant. (sam  
 Error inest scriptis, crepitant, hunc corrige; cau-  
 Supplicii (siquidem commotis civibus urbis  
 Se regem Judæ fecit) distinctiùs adde.  
 Ille vetat fieri; quæ scripsi, scripta manebunt,  
 Ingeminat, populo commotâ bile verendus.  
 Hunc titulum, quoniam mons Golgotha proximus  
 Multa fuit multis occasio facta, legendi. (urbi,  
 Interea miles, qui sub crucis arbore Jesum  
 Antè laborantem Solymis eduxerat, urget  
 Partiri vestes, tunicamque & pallia Christi:  
 Quisque capit partem; sed cum procederet ordo  
 Ad tunicam, miles, cujus sit, sorte diremit:  
 Textilis illa fuit, nullis consuta lituris;  
 Utque ferunt, manibus divinæ Virginis olim  
 Facta, nec ætatis spatium detrita. Profectò  
 Ante tot annorum cursus, hoc esse futurum,  
 Præcinnuit Psaltes, ex cujus stemmate Jesum  
 Descendisse sacra Scripturæ verba loquuntur.  
 Divisis spoliis, & missâ sorte, sedebat

Luc.  
 23.38.  
 Joan.  
 19.19.

Joan.  
 19.21.

Joan.  
 19.23.

Ps.  
 21.19.

Q

Mi-

Miles ad excubias ; circumfusûsque catervâ  
 Spectantis populi , quem tanta tragœdia finis  
 Accipiat , solitis ferus exspectabat in armis.  
 Plurima circumstant hominum sub imagine mo  
 Ardentis oculis lyuces , rapidique molossi,  
 Apri terribiles , & copia magna luporum,  
 Immanes tauri , laxatis unguibus urfi,  
 Villosæ sphinges , distentâ fauce leones,  
 Pantheræ , tigrides , leopardi ; denique tot  
 Martyrii rabiem spectatum venit Avernus.  
 Nulla regit pietas , compassio nulla ; sed ira  
 Et mera barbaries ; furor aspiciendo cruorem  
 In duros filices hominum præcordia vertit.  
 Quippe ferox vulgus ( pudor est ! ) in limine mo  
 Luçantem Dominum blasphemâ voce lacerat  
 Provocat , illudit , fatuôque dat ore cachinn  
 O Solymæa Domus ! fuit ista ferocia cladis  
 Interitûsque tui primaria causa : profectò  
 Urbs mala , terrificis urbs digna perire ruin

Matt.  
27.39.

POESEOS SACRÆ ET PARTIS QUARTÆ  
 INDUCTIO OCTAVA.

S. LUCAS CAP. 23.

Et stabat populus spectans , & deridebant eum Principes  
 cum eis dicentes : Alios salvos fecit ; se salvum fac  
 si hic est Christus Dei electus. Illudebant autem ei & milites  
 accedentes , & acetum offerentes ei , & dicentes : Si tu es  
 Rex Judæorum , salvum te fac. &c.

SYNOPSIS.

Dominus & Salvator noster Christus Jesus cruci affixus , à Judæis  
 eorumque Principibus , imò ab uno crucifixorum latronum  
 blasphematur ; sed alteri ad se converso Paradisum promittit  
 Interim afflictissimam Matrem dilecto suo Joannè , qui cum  
 Matre cruci proximè astabat , filialiter commendat.

Non plebs sola furit; sed prima corona Sena-  
 Nempe Pharisæi, Scribæ, legisque periti, (tûs <sup>Matt. 1</sup> 27.41.  
 Adjiciunt plenis odii nova pabula flammis.  
 Ignescunt iræ; tumidi stat in ore veneni  
 Spuma virens; fremitur; laxatis rictibus usque  
 Ad ravim clamatur: Ubi, malefane, potestas,  
 Quâ fretus nostris impervia sensibus olim  
 Patrabas? alios salvasti, perditæ! salva  
 Te, si mira potes! clavorum vincula solve,  
 Descensumque para, si te Cœlestis origo  
 Fecerit Excelsi genitum! descende! quid ultra  
 Cunctaris? quod si salvus descenderis, omnes  
 Credimus, & Superos ad nos venisse canemus.  
 Concita plebs eadem rauco clamore remugit.  
 Sic ululare solent erectâ fauce molossi,  
 Dum tubæ curva sonat; vel viso cominûs hoste,  
 Sæva tremendorum rugire caterva leonum.  
 Multiplicant Scribæ, cum Scribis miles, & omnis  
 Farrago populi convicia: desine Juda!  
 Est magnum meriti spatium, quod nulla furentis  
 Invidiæ mensura capit; spes improba nunquam  
 Est lætata diu: stolidi! ventura timete!  
 Sed canitur furdis; Pharisæi more leonum  
 Despiciunt prostrata: Deo confidit, hic illum  
 Liberet interitu, si vult; Rex Israël ista <sup>Matt.</sup>  
 Et majora potest; reprobæ clamore boatur. <sup>27.43.</sup>  
 Sed quid multa queror, peccando nocentior ipsis  
 Judæis, Erebi cæcâ caligne dignus!  
 Ah! liquet, & verum nimis est; miserabile vulnus  
 Intus alo, duræ cervicis: subditus iræ  
 Divinæ, vix non despero! sed ecce salutis  
 Anchora Crux retinet, Crux consolatio firmat  
 Una pusillanimes; solium, quod purpura nostri

Q 2

Re-



Regis , id est , Christi pretiosus sanguis inaurum  
 O fortunatum , generosum , nobile lignum !  
 O ter felici succisum tempore ! salvat  
 Ad nigra perpetuæ properantes limina mortis  
 O pia Crux ægrum sana ! quia sola medendi  
 Jura tenes : trepidâ sustenta mente labantem  
 Dirige me dubium , certo me robore firma  
 Ecquis it inficias , quin Christe redemeris unum  
 Per Crucis eximiæ sacrum & venerabile lignum  
 Hanc animam ? veræ Crux tessera certa salutis  
 Quisquis eam transis , devoto corde saluta  
 Affectûque pio meditare profundius , olim  
 In cruce pendentem Dominum , ceu vile cathedra  
 Præter tot luctus , & tot tormenta , fuisse (ma  
 Talibus opprobriis læsum : meditare maligno  
 Prætereundo crucem (scelus intolerabile ! ) dicitur  
 Devovisse Stygi verum de Numine Numen  
 Heu ! data libertas odiis , resolutaque legum  
 Frenis ira furit ; nullus sine crimine Jesum  
 Transiit : hic verbis blasphematis , gestibus illis  
 Vah ! maledicte boant , sacrum qui destruis ædem  
 Numinis excelsi , totamque reponere magno  
 Garrulus impostor spondes sermone , priusquam  
 Ter Mundo nitidum Titana reduxerit Æther  
 O furor insipiens ! hæc dicta Prophetica corporis  
 Christi significant , in quo speciosior astris  
 Vera Dei soboles , Deus ipse salutifer Orbis  
 Non secus ac templo , sub nostræ carnis amictu  
 Insedit , voluitque pio succensus amore  
 Hoc templum veræ Deitatis , morte recisum  
 Post modicum toti spectandum reddere Mundo  
 Expectate vafri ! quem vos jussistis , ut Christus  
 Se probet esse Deum , descendere ; morte peremptum

Matt.  
 27.40

Extumulo, sicut Phœnix ex igne, redibit.  
 Expectate! die, quâ vos non creditis, ingens  
 Promeritis in vos desæviet ultio pœnis!  
 Sed quæ diva meos placat clementia sensus?  
 Ex ambone crucis Christi vox blanda perorat,  
 Vox pia, digna vehi Zephyris per climata Mun-<sup>Luc.</sup>  
 Ah Pater! ignaræ commissa piacula genti (di-<sup>23.34.</sup>  
 Propitius dimitte! Pater, dimitte, quod ausi  
 Ignorant; me namque mori tua jussa requirunt.  
 O favor immeritus, dignatio nescia finis, (lat,  
 Exsuperansque modum dilectio! Christus anhe-  
 Ut pater horrendis tortoribus omnia culpæ  
 Debita condonet; meditatio sancta! resurge  
 In spem robustam, peccati mole gravatus!  
 Qui Patrem moriens tenerâ pietate rogavit,  
 Ut veniam tantis indulgeat hostibus; ille  
 Nec te, sincero contritum corde, repellat.  
 Sed mansuetudo Domini (memorable dictu)  
 Nec movit populum, nec, quod truculentior, ipsum  
 Gesum latronem, notum per sæcula crimen,  
 Ille Redemptori mediâ sub morte rebellis,  
 Hæc tremulo fremitu temeraria verba sonabat:  
 Si Christus verusque Dei sis Filius, ipsum <sup>Luc.</sup>  
 Te salva, nostroque simul succurre dolori. <sup>23.39.</sup>  
 Vox fuit hæc Satanæ, latronis in ore loquentis;  
 Quippe dolo varius, tacitoque vaserrimus astu,  
 Qui prius Hebræis Jesum crucifigere suavit;  
 Iam plenus dubiis, ex hac quid morte futurum,  
 Fluctuat, & vitam Domini, mortemque veretur.  
 Sic grandis quercus cæcâ radice minatur  
 Illis, qui cædunt, dubio per inania motu  
 Tristem, nî caveant, ex omni parte ruinam.  
 E contra rarum feri verique doloris

Q 3

Exem-

Exemplar Dismas, focii sic arguit ausum;  
 Heu Gesma! Gesma! quæ mens sub mortis agone  
 Te trahit in facinus? non te reverentia Cœli,  
 Aut timor Excelsi retinet malefane, quid inquit  
 Nos justè luimus, dignasque latronibus Orbi  
 Ambos damus pœna; sed quid justissimus ille  
 Ut majora ferat nostris tormenta, peregit?  
 His dictis oculos vicinâ morte gravatos  
 Dirigit ad Jesum, sincero corde precatus:  
 In tua, mi Jesu! susceptus Regna, memento  
 Ad te conversi Dismæ! brevis illa, sed amplo  
 Affectu fidei cumulata, precatio Dismæ  
 Grande latrocinii facinus delevit, & uno  
 Temporis exigui momento fecit Olympi  
 Æthereæq; domûs hæredem: quanta rependunt  
 Pro parvis Superi! vocem (res mira relatu)  
 Auditote Dei, dantis sua Regna latroni;  
 Auditote melos: Mecum, tibi dico, priusquam  
 Sol eat ocubitum, Paradisi sorte fruere.  
 O felix Disma! quæ, qualis, quanta petenti  
 Spes datur, exactâ tantillâ parte diei,  
 Inter tot Sanctos æternâ pace fruendi.  
 Prô dolor! in vetitis abiit florentior ætas;  
 Iamque senectutis succedunt tempora, ferus  
 Vesper adest vitæ; modicum mihi restat abunde  
 Servitum vitiis: ad te, mitissime, Jesu!  
 Ad te convertor; Patroni fungere Disma,  
 Officio, pavidoque seni succurre precando,  
 Te quoque, cunctarum Mater tristissima matrum,  
 Sub cruce continuo lacrymarum fonte fluentem  
 Intueor! quis te sub Nati morte decoram  
 Noëmin appellet? cum Ruth te nomino Maram,  
 Quod sit amritie gravium mens plena dolorum.

Mustres oculi submersi fletibus, almâ  
 Luce carent; rosæ tristi pallorē genarum  
 Areolæ languent; pulchri nix candida colli  
 Diffuit; & dubio vox interrupta tremore  
 Singultit. Mirum! Mater (quis posse putasset)  
 Astat, & in medio luctantem funere Iesum  
 Aspicit: hic sævam lacerato corpore mortem  
 Sustinet; illa animo! quanti consortia luctûs!  
 Magdalidem, pariter video, Cleophæque Mariam<sup>Joan.</sup>  
 Quantum tristitiæ submersit gurgēs; & inde 19.25.  
 Non potuit tristis sperare levamina Mater.  
 Sed te, Ioannes, prædulcis Apostole Christi,  
 Te video, quamvis mediis in fluctibus atri  
 Meroris (feri factum laudate nepotes!)  
 Affictæ Matris, quantum præsentia grandis  
 Supplicii mortisque tulit, lenire dolores.  
 Huc meus ex alto, multo submersa cruore  
 Ac densis lacrymis, declinat lumina Iesus;  
 Et primò Matrem, sed quàm lacrymabile visu!  
 Immemor angoris, tot tantorumque dolorum,  
 Aspectu moriente videt, linguâque cadente  
 Efflat in hanc unam liquefacti cordis amorem:  
 Hujus solius meminit, solamque benignus  
 Spectat; & obtutu minimè satiatus amato,  
 Discipulo caram Matrem commendat amanti.  
 Nec moralonga; sibi morituro Christus eundem,  
 Quem tantis dignum curis & honore sciebat,  
 Substituit: videor Dominum sua verba sonantem  
 Audivisse: Tuus mulier sit Filius, inquit, <sup>Joan.</sup>  
 In charum flectens sua lumina mœsta Ioannem. 19.25  
 O vox blanda nimis! Matri quasi diceret: Ecce  
 Immolor! atque tuî non est curator in Orbe;  
 Hinc mihi dilectum, junctum tibi stirpe Joannem

Deputo, qui curam desertæ Matris habebit,  
 His Matrem affatus, demum sua lumina verti  
 In curatorem, parili brevitæ locutus:  
 Ecce tuam Matrem! Quàm suavis adoptio! tantis  
 Pondus inest verbis; Nati vice Mater adoptat  
 Dilectum Domini; versâ vice suscipit ille  
 In sua desertam, Domino moriente, Parentem,  
 O Zebedaiades felici fidere Mundi  
 Incola facte, tenes pulvinar pectus amandum  
 Cœnantis Domini, toti modò cognite Mundi  
 In curatorem Divinæ Matris, ab ipso  
 Eligeris moriente super juga montis amari  
 Golgotha. Quid superest? itas nondum carne solus  
 Cœlorum consors; & quæ natura negavit (tu  
 Visibus humanis, oculis ea pectoris hauris,  
 Et quia sum certus, quòd jam sub Principe Cœli  
 Inter Apostolici nitidissima lumina cœtus,  
 Æthereis rutilis multò speciosior astris;  
 Hinc te salvifici Regis dilectæ requiro,  
 Ut mihi suppetias præstes, cùm turbidus æstu  
 In tristi stetero fugientis limine vitæ.  
 Omnibus affer opem, qui post mea fata supersunt  
 Et mihi, si forsan Nemesis Divina rigorem  
 Iustitiæ contra defunctum stringat, ut omnes  
 Evacuem culpas flammis purgantibus, adsis  
 Auxilio. Docet alma Fides, quòd & una cruoris  
 Gutta beatifici, fidei conjuncta, piisque  
 Actibus internis, peccati labe notatos  
 Abluat; imò dato casu, quòd crimina manes  
 Damnati plorare queant, extinguat Avernum  
 O pretiose cruor! dignus, quem turba sacrorum  
 Spirituum venis effusum tollat, iisdem  
 Postea reddendum; noli sacra lympha salutis  
 In

In me frustari ; sed spes soletur , ut isto  
Fonte dealbatus , potiar Cœlestibus oris.

POESEOS SACRÆ ET PARTIS QUARTÆ  
INDUCTIO NONA.

S. JOANNES CAP. 19.

Postea sciens Jesus , quia omnia consummata sunt ; ut con-  
summaretur scriptura , dixit ; Sitio. Vas ergò erat posi-  
tum aceto plenum. Illi autem spongiam plenam aceto , hyssop-  
o circumponentes obtulerunt ori ejus. cum ergò acce-  
pisset Jesus acetum , dixit : Consummatum est. &c.

SYNOPSIS.

*Dominus & Salvator noster Jesus Christus , postquam in cruce  
tribus horis inter maximos angores , Cœlo Terraque hoc  
martyrium quasi deplorante , vivus pependisset , Matremque  
suam sub cruce lamentantem Discipulo suo Joanni commen-  
dasset , tandem inclinato capite in manus Patris sui spiritum  
emisit.*

Sol oculus Mundi , Cœlique benignius astrum, Luc.  
Aspiciens luctam Domini morientis, obumbrat 23.45.  
Insolitis illustre caput vultumque tenebris: Matt.  
Quippe nefas reputat, Iesu patiente, serenâ 27.45.  
Luce vehi , tristisque nitens incedere Cœlo:  
Hinc negat officium lucis , totumque per Orbem  
Explicat horroris nebulas: stas Munde, pavescens,  
Desperansque diem: tandem facis orbita pallet,  
Exactisque trihus , lux alma recanduit, horis,  
Completumque jubar paulatim reddidit Orbi.  
Conveniebat enim, quem publica commoda Mun-  
Subjiciunt fati, pulsâ caligine, coram (di  
Plenâ luce mori. Sed quid Vir plene dolorum  
Hâc sub inassuetâ fecisti nocte ? sciamus,  
Quòd prece continuâ pulsaverit ardua Cœli  
Atria , Cœlesti rata fiat ut hostia Patri,

Q 5

Quam

Quam pro peccatis nostraque salute litabat,  
 Sed dolor accrescens, & amara potentia mortis,  
 Turbatis precibus clamare necessitat illum  
<sup>Matt.</sup> <sup>27.46.</sup> Cum lacrymis: *Eli! Lamma Sabachthani!* ad ima  
 Virgineæ Matris, matronarumque piarum  
 Ossa penetrabat vox lamentabilis: Æther  
 Mutasset misero tactus clamore rigorem,  
 Si permisisset fatorum \* ferreus ordo.  
 Outinam manus hæc in tanto turbine rerum,  
 Cùm tibi suppetias Mundus Cælumque negaret,  
 O utinam, repeto, potuisset ferre levamen!  
 Sed cur tanta volo? cùm nemo resistere possit  
 Cælorum placitis; nec Christus amaverit ipse,  
 Jussa retardari Patris sub fine laborum,  
 Quippe sibi soli, tectâ Deitate, relictus,  
 Sicut verus homo grandi molimine mortis  
 Angitur, à Superis se tristi voce relictum  
 Conquestus (certam facti cognoscite causam)  
 Non ut inexpletum post prælia tanta triumphum  
 Sisteret, aut modicum, quod adhuc restabat agere,  
 Pro bene suscepto Mundi reparamine ferus (dum  
 Negligeret (mera vera cano) sed ut omnib9 ultrâ  
 Constaret, quantis humana redemptio pœnis  
 Victori steterit. Jesus desertus amabat  
 Me miserum servare sibi; quid cunctor, & ultrâ  
 Ægra fides titubat? Deitas sublimior omni  
 Imperio mortis; nulli patet illa dolori:  
 Christus homo patitur: Patris desertio, nostra est  
 Utilitas manifesta. Velim, quicumque moveris  
 Voce doloriferâ Domini morientis, anheles  
 Cum patiente pati; non ambige, sicut iniquus  
 Judææ populus; qui (proh vesania gentis!)

\* *Inflexibilis Divina Justitia, ac decretorum ejus rigor.*

Censet, in auxilium Domini sub morte vocari Matth.  
 Eliam: rident; addunt quoque scomma cachinis: 27.48.

Exspectate; volans Elias forsitan, ajunt,  
 Ex cruce tollet eum. Temeraria natio, visis  
 Luctibus astrorum, nihil inde modestius egit.

Composito populi risu, submissius inquit  
 Salvator: *Sitio*. Quid agunt? imponitur hastæ Joan.  
 Spongia, quam nullis præcognita potio labris 19.28.

(Quis putet?) implebat; nam miscebatur aceto  
 Fellis amarities, ô detestabile nectar!

Erectumque sacro Domini supponitur ori.

Lingua reformidat; quis enim scivisse negabit,  
 Fel sibi præbendum? sitis hæc patientis amorem,

Quo genus humanum complectebatur, adumbrat.

O præclara sitis! Mundi dilectio! morte

Fortior, & læsæ medicamen & auctio vitæ.

Hic potus finalis erat, completæque summa

Tristitiæ, gravibus veterum præcognita dictis:

Hinc *consummatum*, supremâ voce profatur, Joan.  
 Salvificum pietatis opus; vultuque levato 19.30.

Vertitur ad Superos, & verba novissima profert:

O Pater! ecce *tuis animam* (valedictio mœsta) Luc.

*Commendo manibus*. Brevis illa, sed optima, nobis 23.46.

Servit in exemplum, moriendi forma. Peracto

Hoc sermone, sacri franguntur vincula cordis,

Spiritus egreditur, subsistit anhelitus, algent

Labra, cadunt oculi, fibræ laxantur, in artus

It lethalis hyems, cervix collapsa recumbit;

Purpureus veluti cum flos succisus aratro

Languescit moriens; lassove papavera collo

Demisere caput, pluviam cum fortè gravantur.

Ah quid agam! cor triste pavet! mens anxia nescit,

Quò se vertat! habent alii solatia; nullum,

Dum



Dum Iesu moreris, superest, nec copia flendi  
 Salva mihi: singultus enim, nimirumque dolores  
 Obsistunt lacrymis. Heu quantâ morte peremp-  
 O Iesu moreris! moreris mea vita! salutis (tus  
 Unica spes moreris! moreris; cur vivo? reculo  
 Vivere, dum Iesu moreris! fit anhelitus isthic  
 Ultimus; opto mori! Superi cur posse negatis?  
 Quodq; magis cruciat, cumulûmq; dolorib9 addit  
 Est, quod pro nostris (eheu piget illa fateri!)  
 Criminibus moreris! nos, nos malè fecimus! & tu  
 Immunis scelerum pro nostro plecteris ausu!  
 Ah si mutatis Cœlorum jussibus, ipse  
 Pro Te, mi Jesu! vel tecum ponere vitam,  
 Vel lacrymis possem, ceu navis fluctibus hausta,  
 Immergi, dignoque palàm tua funera luctu  
 Plangere! quis nollet? communia fata fleamus  
 Lingua cadit; nimius prohibet dolor omnia dicere  
Matt. 27.51. Terra vices supplet: video trepidare jugorum  
 Culmina, disrumpi montes, velamina Templi  
 In partes scindi, querulo telluris hiatu  
 Pandi noctis iter, turbari funera Patrum,  
 Elicitosque suis manes exire sepulchris.  
 Felices umbræ! sunt fracta repagula vestri  
 Carceris: ite foras; narrate nepotibus, illum,  
 Qui caput antiqui Colubri contrivit, adesse.  
Luc. 23.47. Obstupeo totus, causatque silentia terror.  
 Audit clamores, & verba novissima Christi  
 Militiæ Ductor, portentâque singula pensat  
 Attonitus; tandèmq; gravi sermone fatetur,  
 Glorificando Deum, Jesum finè labe necari:  
 Verè justus erat, quem nos crucifiximus, inquit  
 Miles, inauditum miserabundûmq; videndo  
 Naturæ lugentis opus, Mundique tremorem

Filius Excelsi Cœlesti missus ab arce  
 Jam moritur, clamat; conclamat turba pavore  
 Plena, ferit pectus, sanctamque recedit in urbem.  
 Mater Virgo manet; sed amabò, dicite matres,  
 Qualibus affectam vidistis luctibus? eheu!  
 Nulla potest tales describere penna, nec ullum  
 Os, vel lingua loqui: lacrymis absumitur auctis;  
 Tota tremit; collapsa riget; præcordia clauso  
 Arctantur gemitu; stupefacto corpore tristem  
 Mens parat egressum, mortemque sub arbore quæ-  
 Diva! refer vultum, non averfata rogari; (rit.  
 Pone modum lacrymis; exacta tragœdia finem  
 Morte reportavit: certè mors fausta! per illam  
 Diceris innumeros Cœlo peperisse nepotes.  
 Sed consolari renuit: pia turba venite!  
 Ascendistis enim Solymam cum Matre; venite  
 Vos individua Divinae Matris alumnae,  
 Quas Deus afflictæ speciali sorte sodales  
 Addidit! este, rogo, Matri, quod vitibus ulmi,  
 Et paries hederæ: date basia, ferte levamen,  
 Ne pereat tantâ sub tempestate dolorum.  
 Sol vicinus erat spatio declivis Olympi;  
 Jamque sacrum\* Sabathi (cujus pro more vetusto  
 Principium ducit vesper finisque diei  
 Præteritæ) suadet populo, fas esse reorum  
 Corpora deponi. Consentit Præses, & urbi  
 Ius super indulget, lentam per verbera mortem  
 Accelerare reis. Placitis obtemperat omnis  
 Lictor, & actutum, mediâ sub morte, tremendis  
 Fustibus amborum confregit crura latronum:  
 A Jesu verò (de cujus corpore nullum  
 Os minui, veterum dictant oracula Vatum)

Joan.  
19.31.

Absti-

\* Smet.

Abstinuere manus ; nam mors prævenerat illum  
 Exequiale nefas. At enim, cui sacra vetustas  
 Longini nomen tribuit, Dux inclytus (illum  
 Postea conversum referunt) celer arripit hastam  
 Atque sacrum Domini latus armipotente lacero  
 Trajicit ; ibat atrox finem factura bipennis ;  
 Nec frustrata manus : penetrat cor lancea ; tris  
 Vulnus hiat, magnæque patet via faucia plaga  
 Ex quâ mixtus aquâ manat fons sanguinis. Ecce  
 Fons sacer, omnigenis aqua viva salubrior un-  
 Sanguis alit justos ; contritos abluit unda, (dis  
 Fons specialis, ave ! fons fonte beator illo,  
 Quem mirandorum, percussâ rupe, patrat  
 Elicuit Moses : Divina cibatio, potu  
 Eliæ melior ; cuius virtute refectus  
 Non in montem Horeb, sed in alta palatia Celi  
 Fertur inoffensis pedibus. Quicumque gravat  
 Estis, & angimini variâ sub mole dolorum,  
 Accelerate gradus : Domini latus ecce repandit  
 Nectareos amnes, Divinæque pabula fundit.  
 Non dubito, quin moesta parens, dum cordis hinc  
 Inflictumq; ferâ Longini cuspide vulnus (tum  
 Vidit, humi prostrata, novo sua senserit ictu  
 Viscera transfigi : Gravis inclementia (matres  
 Exclamasse, reor) defuncti pectora tanto  
 Vulnere dirumpi : nunquid satis esse putatis,  
 Isacidæ, vidisse mori ? sed oportuit : olim  
 Juxta Scripturam, quem transfixere, videbunt  
 Ad te magne Pater, qui stans super ardua Celi  
 Salvificum specularis opus, convertimur : ecce  
 In crucis altari fumat tibi victima ! qualis  
 Victima ? nulla potest reperiri dignior : ante  
 Ortum Luciferi genitus, tua vera propago,

Jesus pro nostris offertur victima culpis.  
 Propitios expande sinus; vox sanguinis, omni  
 Fortior Abelis clamore, supervolat astra.  
 In Christi faciem, quem pro reparamine Mundi  
 Ad nos misisti, mansueto respice vultu:  
 Promptus obedivit Divinis jussibus, usque  
 Ad mortem rigidæque crucis tormenta. Vir ille  
 Dives opum, solvit pretioso sanguine nostri  
 Debita delicti; patefecit & ostia Cæli.  
 Redde, ferox Coluber, deceptos fraude parentes!  
 Redde, vafer prædo, Patres in vincula ductos!  
 Christus adest; spolium repetit; moriendo nefan-  
 Imperium crudele necis destruxit. Ovate (dæ  
 Limbicolæ Patres! ad vestri carceris oras  
 Magnificum direxit iter: mors morte perempta  
 Exulat; alato volitat Victoria curru;  
 Sub pedibus timor est. Iesu Dux inclyte salve!  
 Quid tibi retribuam, quòd morte redemeris Or-  
 O Deus Æthereæ sedis Rex, gloria Mundi, (bem?  
 Humani generis columen! tibi serviat Æther;  
 Te genus humanum sincero carmine laudum  
 Glorificet; totus Dominum te sentiat Orcus.

**POESEOS SACRÆ ET PARTIS QUARTÆ  
 INDUCTIO DECIMA.**

S. JOANNES. CAP. 19.

Post hæc autem rogavit Pilatum Joseph ab Arimathæâ...  
 ut tolleret corpus Jesu, & permisit Pilatus. Venit ergò  
 & tulit corpus Jesu. Venit autem & Nicodemus... ferens  
 mixturam myrrhæ & aloës, quasi libras centum. Accepe-  
 runt ergò corpus Jesu, & ligaverunt illud linteis cum aro-  
 matibus, sicut mos est Judæis sepelire. Erat autem in loco,  
 ubi crucifixus est, hortus; & in horto monumentum novum  
 ... ibi posuerunt Jesum. &c

SYNOP-

## SYNOPSIS.

**D**omini & Salvatoris nostri Jesu Christi sacratissimum corpus, in presentia sanctissimæ Marris ejus, circa vespere à cruce deponitur, & in novo sepulchro, quod vir nobilis Josephus ex Arimathæa, in pede montis Calvaria noviter viva rupe excidi curaverat, honorificè sepelitur.

Joan. 19.38. **N**obilis Hebræus (proprio quem nomine dicitur) Pagina sacra refert Joseph ex Arimathæa)

Magnus in officio, sortis quoque munere; hostis  
Fidus in occulto fautor cultorque Magistri,  
Obtinet, ut juxta Vatum præsagiâ, Christi  
Corpus honorifico liceat decórare sepulchro,  
Non patitur spatium concessa licentia; quippe  
Pronior Hesperias properabat Phœbus ad undas:  
Hinc famulis stipatus abit, Matrique dolenti  
Sub cruce, quæ subfit veniendi causa, recenset  
Consolata parùm, dubiâ cervice reclinat  
In manibus cubitisque caput, defessaque luctu  
Suspirat, veluti defuncto compare turtur.  
Ascendunt famuli, firmoque ligamine corpus  
Penfile circumdant; extractis forcipe clavis  
Crux rubicunda vacat, lentoque labore deorsum  
Divinum descendit onus: sub stipite plures  
Fortibus excipiunt humeris manibusq; sacratum  
Funus, & in stratâ deponunt sindone. Mater  
Sancta, reclinatam gremio, completitur ulnis  
Dilectosque premit vultus, & frigida sumit  
Oscula; nec riuos in vulnera fundere fletus  
Desinit: astantes (quis enim tam mœsta videndo  
Supprimeret lacrymas) querulis concentibus ora  
Exercent matres, & fletum fletibus augent.  
Abluitur sanies; spinarum plectile sertum  
Eximitur capiti; solitus datur ordo capillis;  
Inque sepulchralem sacræ ponuntur honorem

Corporis exuviæ. Facies submœsta; nec omne  
 Abstulerat mors atra decus: sub imagine tristi,  
 Nescio, qualis honor, vel quæ reverentia vultu  
 Promicat. Ut nigris Solis lux obvia nimbis  
 Occulitur; quandoq; tamen, non immemor Orbis,  
 Ostendit regale jubar, sublustris in umbra,  
 Et tecto regit ore diem, sub turbine pulcher:  
 Non aliter, divina licet mors occupet ora,  
 Occultus Deitatis honos, & amabile Numen  
 Irradiat, mirumque suum succendit amorem.  
 Vir quoque magnifici per totam cognitus urbem  
 Laude Magisterii tunc Nicaodemus, Iesu  
 Auditor nocturnus, adest, ut aromata (quippe  
 Mos erat Hebræis, defunctos ungere) cornu  
 Divite suppeditet, centum facientia libras.  
 Accedunt matres; Divinum corpus inungunt:  
 Nardus habet faciem; myrrhæ substantia plagas;  
 Vulnere quina, pedum, manuum, laterisq; coactus  
 Ex aloë stillante liquor; fragrantis amomi  
 Succus crura; pares spirantia balsama fumos  
 Totum corpus habent: sic Regum more perun-  
 Ad tumuli sacros usus specialiter emptâ (ctum  
 Sindone contegitur: sed quò portabimus? ecce  
 Apta quies! jam sunt perfecti mortis honores:  
 In pede montis habet Joseph vir nobilis hortum,  
 Hunc offert: inibi suffossâ rupe sepulchrum  
 Extat, adhuc nullo pollutum corpore, fratres!  
 Illa sepulchralis tumuli magnalia dudum  
 Præcinuit Vates; quæ nec Synagoga, nec ipse  
 Lividus inventor fraudum, scelerumque Magister  
 Tartarus, obductis poterit spurcare tenebris.  
 Efferimus Dominum: comitantur nobile funus  
 Cum Patribus Matres; præcedit jure dolorum

Joan.  
19.39.

Joan.  
19.41.

R

Virgo

Virgo parens; illam sequitur tristissimus ordo  
 Fœminei sexûs: oculi merguntur in undis;  
 Ora cient gemitus; singultibus ubera turgent  
 Magnus ubique dolor! lentis processibus hortum  
 Ingređimur; saxum removemus ab ore sepulchri  
 Utque sinum placidum cryptæ cava tumba marmore  
 Inferimus solito corpus venerabile ritu. (tra) (Qui)  
 Accurrit Mater, transgressâque limina cryptæ, Con  
 Ultima festinat gelidis dare basia labris, in tu  
 Complectique genas, truncato murmure dicentia, frafi  
 Quin age duc comitem, ter amate! brevine videbit tu  
 Te, mea spes, iterum; redivivâq; pectora stringam, Cau  
 Ah propera, nè sola morer! mihi redde sacratum Supp  
 Pectoris obtutum! liceat mihi; sola manebo Fuls  
 Ad Nati tumulum, monumentâque sola tuebor, Hinc  
 Dissuadent sociæ; solatia quælibet offert: Ne q  
 Virgo filet, retrahitque genas; tumuloque relicto Impo  
 Sustinet ingenti monumentum marmore clauso, Ex q  
 Sed lugubris erat firmatâ rupe recessus, Maxi  
 Dum, quasi jam cunctis permissum flere, novant Dete  
 Innumeri planctus: quoties post terga reflectit, His it  
 Diva parens oculos, toties ad funeris oras (g) Turri  
 Mille volant gemitus, primusque revertitur, Nulla  
 Nicaodemus item, quanquam mœstissima re, Quar  
 Dissimulare queat, vultuque filere sereno, Vidi  
 Tristibus indulget lacrymis, cumulâtq; dolor, Cont  
 Exhaustus mœrore dies; nox addita curis Erup  
 Ingruit, & luctu fessos in mœnia ducit. Signa  
 Virgineam Matrem (quis non fecisset?) in aditu Nolo  
 Comiter inducit, consolaturque Joannes: Quar  
 Lassa sedet, reficique negat, renuitque sopor, Sed f  
 Mœsta; nec assiduo coierunt lumina fletu: Occi  
 Si quæ parva quies oculis irrepit, & ægram Cura  
 Invi

Invitat somnus, subito concussa timore  
 Sentit inauditæ mortis simulacra reverti.  
 Talibus alma parens, somni turbata figuris,  
 Exigit attonitam curarum turbine noctem.  
 Incipiunt tandem pallescere sidera Cœli,  
 Vicino turbata die; Synagoga cruenti  
 (Quis tanto sceleri fidat) sibi conscia facti  
 Concurrit, trutinatque modum, quo certius ire  
 In tutum decreta queant: mittuntur ad aulam  
 Præsidis ex Scribis, communi voce rogatum,  
 Ut tumultum Domini validis custodiat armis.  
 Causa superstruitur verbis, quæ dixerat ante  
 Supplicium Jesus: Ego, cum lux tertia Phœbi  
 Fulserit, ex tumultu devictâ morte resurgam:  
 Hinc ajunt missi, Synagogam jure vereri,  
 Ne quis sublato crucifixi corpore plebi  
 Imponat, vacuo vivum rediisse sepulchro.  
 Ex quibus inventis, subjungunt, posset oriri  
 Maxima seditio, fierique novissimus error  
 Deterior primo, multoque nocentior urbi.  
 His ita propositis respondet Præses, adesse  
 Currimus, quæ possent aliò deflectere mentem:  
 Nulla dies ex hoc, testatur, pectore tollet,  
 Quantus terror heri totam tremefecerit urbem:  
 Vidistis, medio sub Sole nigrescere noctem;  
 Contremuisse solum; per mortis limina manes  
 Erupisse foras; & adhuc pia spectra vagari:  
 Signa, Patres, vestræ lugubria signa ruinæ!  
 Nolo recordari, quali quantoque labore  
 Quæsierim Jesum sævæ subducere morti:  
 Sed frustratus ego tanto conamine, justum  
 Occidi (voluistis enim) me nulla remordet  
 Cura latrocinii; vos estis causa tremendi

Matt.  
 27.62.

R 2

Occu-



Occubitûs, vestras scelerâstis sanguine leges,  
 Sed cur fera loquor? custodes vultis? habete  
 Armigeros tot, quot custodia tuta requirit,  
 Ite Patres! Abeunt; comitatur fulgidus armis  
 Miles, & educus custodit ad ostia rupis  
 Exanimem Dominum: fatui fiducia Mundi  
 Arma timent Dominum, qui celsâ mentis ab  
 Despicit audaces, humanâque prælia rideat  
 Interea variis urbs motibus æstuat, instar  
 Ferventis pelagi: reprobatur pars una rigorem  
 Altera pars laudat: multi miracula Cælo,  
 Inferno plures, naturæ viribus illa  
 Attribuunt alii. Verè Dionysius ille,  
 Dignus Areopagi iudex delectus Athenis  
 (Postea quem referunt conversum dogmate  
 Præclare dixit, cernens fundamenta Terræ  
 Sub mortem Domini trepidare, nigrantibus  
 Involvi Solem, lugeréque climata Mundi:  
 Author naturæ patitur, vel machina Mundi  
 Disvolvenda ruet, Verè Deus ipse, sub umbrâ  
 Humanæ carnis (quanquam fera spicula lethi  
 Non sentire queat Deitas) multatur ab ipsis,  
 Quos sociare sibi mirâ dulcedine quærens  
 Invitabat: amor! cuius confinia solus  
 Metitur, qui nos tanto dilexit amore.  
 Tempus adest Solymam redeundi: vertimur illuc  
 Discipulosque gravi confusos turbine fati,  
 Suspensos dubio, mæroris pondere pressos,  
 Expositos odiis, inconstantésque videmus.  
 Mæsta rei facies! sed, amabò, ponite luctum:  
 Quid dubitatis? abest modicum, quo Victor Aver  
 Carcere destructo patrias sibi vindicat umbras  
 Cras sub purpureo Phœbei sideris ortu

leges, mens Divina sacros, sicut promisit, in artus  
 habet, restituenta, modum finemque doloribus addet  
 uirit, ad Domini tumulum, monumentaq; sacra reverti  
 s armis, mens accensa jubet; celeres conjungite gressus,  
 bis in sacro mecum sociati nomine Jesu:  
 Mundi Germani fratres in Christo dicimur; uni  
 tis ab absumus imperio Christi; Christique redempti  
 ridea, sanguine, speramus sub Christi vivere Regno.  
 affar, hic neque per magnos cumulos distinguimur au-  
 igorem, nec per honorificos fasces, & culmina rerum: (ri,  
 o, hic humilis triplicem deponit Roma tiaram;  
 nis hic sua submittit Cæsar diademata; fasces  
 ate Pa Magnifici Proceres; hic Martia Fulmina belli  
 erra deponunt gladios; inopum quoque turba ligones,  
 ibus un omnibus unus amor, spes est hic omnibus una;  
 li: (huc invitato mei consortes nominis. Ecce  
 Mundi averso tantos præcedimus ordine fratres,  
 umbra Scripturi super ora specûs, portamque sepulchri:  
 a lethi hic sacra progenies summi Sapiaentia Patris,  
 iphis, lux immensa Dei, Sanctorum Gloria, splendor  
 ns angelici cætûs, Cæli reverentia, Mundi  
 aur illu Delicia, promissa salus, reparatio vitæ,  
 ati, Everfor scelerum, solidæ virtutis amator,  
 flos, iustitiæ vindex, Colubri calcator, Avorum  
 nus. ad Superos ductor, sævi quoque victor Averni,  
 Etum: post grave certamen modicum sub rupe quiescit.  
 r Averni quisquis ades, rigidi resera penetralia cordis;  
 umbra Corrigere duritiem; dispone cubilia; Jesum  
 Mens Suscipe; quod facili poteris conamine, totum  
 mente revolvendo Domini patientis agonem,  
 pro te sanguineo madidus sudore recepit  
 Oscula perfidiæ. Pro te captivus in urbe

R 3

Prin-